

四庫全書

經部

欽定四庫全書

春秋分記卷四十九

宋程公說撰

內魯第三

宣公

成公

宣公

謚濔善問
周達曰宣

名倭文公庶子敬嬴所生襄仲殺適立庶
自是公室卑三家強矣在位十八年薨

經元年春王正月公即位

無傳

公子遂如齊逆女三月遂

以夫人婦姜至自齊

夏季孫行父如齊公會齊侯于

平州公子遂如齊六月齊人取濟西田 秋邾子來朝

傳見邾

傳元年春王正月公子遂如齊逆女尊君命也三月遂以夫人婦姜至自齊尊夫人也 夏季文子如齊納賂以請會會于平州以定公位東門襄仲如齊拜成六月齊人取濟西之田為立公故以賂齊也

經三年春王正月郊牛之口傷改卜牛牛死乃不郊猶三望

傳三年春不郊而望皆非禮也望郊之屬也不郊亦無望可也

經四年春王正月公及齊侯平莒及郟莒人不肯公伐

莒取向

傳見莒

秋公如齊公至自齊

無傳

經五年春公如齊 夏公至自齊 秋九月齊高固來

逆叔姬叔孫得臣卒

無傳

冬齊高固及子叔姬來

傳五年春公如齊高固使齊侯止公請叔姬焉 夏公

至自齊書過也 秋九月齊高固來逆女自為也故書

曰逆叔姬卿自逆也 冬來反馬也

經六年秋八月螽

無傳

經七年春衛侯使孫良夫來盟

傳見衛

夏公會齊侯伐

萊 秋公至自伐萊大旱

無傳

冬公會晉侯宋公衛侯

鄭伯曹伯盟于黑壤

傳七年夏公會齊侯伐萊不與謀也凡師出與謀曰及

不與謀曰會

冬盟于黑壤晉侯之立也

在二年

公不朝

又不使大夫聘晉人止公于會盟于黃父

即黑壤

公不與

盟以賂免故黑壤之盟不書諱之也

經八年春公至自會 夏六月公子遂如齊至黃乃復

無傳 辛巳有事于大廟仲遂卒于垂壬午猶繹萬入去籥

戊子夫人嬴氏薨

無傳宣公母

秋七月甲子日有食之既

無傳

冬十月己丑葬我小君敬嬴雨不克葬庚寅日中

而克葬城平陽

傳八年夏有事于大廟襄仲卒而繹非禮也 冬葬敬

嬴旱無麻始用芻茀雨不克葬禮也禮卜葬先遠日辟

不懷也 城平陽書時也

經九年春王正月公如齊公至自齊

無傳

夏仲孫蔑如

京師

秋取根牟

傳見根牟

傳九年春王使來徵聘 夏孟獻子聘於周

經十年春公如齊公至自齊

無傳

齊人歸我濟西田 夏

四月丙辰日有食之

無傳

公如齊五月公至自齊公孫歸

父如齊

傳見齊

秋天王使王季子來聘公孫歸父帥師

伐邾取繹大水

無傳

季孫行父如齊

冬公孫歸父如齊

齊侯使國佐來聘

傳見幾無
齊餓傳

傳十年春公如齊齊侯以我服故歸濟西之田 夏公

如齊奔喪

惠公卒

秋師伐邾取繹季文子初聘于齊

冬子家如齊伐邾故也 國武子來報聘

經十有一年春王正月 夏公孫歸父會齊人伐莒

無傳

經十有三年秋螽

無傳

經十有四年冬公孫歸父會齊侯于穀

傳十四年冬公孫歸父會齊侯于穀見晏桓子與之言

魯樂桓子告高宣子曰子家其亡乎懷於魯矣懷必貪

貪必謀人謀人人亦謀已一國謀之何以不亡

為十八年歸父

奔齊傳

孟獻子言於公曰臣聞小國之免於大國也聘而

獻物於是有庭實旅百朝而獻功於是有容貌采章嘉

淑而有加貨謀其不免也誅而薦賄則無及也今楚在

宋君其圖之公說

時楚莊王圖宋

經十有五年春公孫歸父會楚子于宋

秋螽仲孫蔑

會齊高固于無婁

無傳

初稅畝

公田之法十取其一今人履其餘畝從十取其一故

哀公曰二
吾猶不足
冬蠹生饑

傳十五年春公孫歸父會楚子于宋
秋初稅畝非禮

也穀出不過藉
周法民耕百畝公田十畝
借民力而治之稅不過此
以豐財也

冬蠹生饑幸之也

經十有六年春王正月
秋鄭伯姬來歸
傳見鄭
冬大

有年
傳無

經十有七年春王正月
夏六月癸卯日有食之
傳無
已

未公會晉侯衛侯曹伯邾子同盟于斷道
傳見晉
秋公

至自會

無傳

冬十有一月壬午公弟叔肸卒

傳十七年冬公弟叔肸卒公母弟也凡太子之母弟公在曰公子不在曰弟兄稱弟皆母弟也

經十有八年春公伐杞

無傳

秋公孫歸父如晉

冬十

月壬戌公薨于路寢歸父還自晉至笙遂奔齊

傳十八年夏公使如楚乞師欲以伐齊

公不事齊齊與晉盟故懼而乞

師于楚

楚莊王卒楚師不出既而用晉師

成二年戰于棠

楚於是

乎有蜀之役

公孫歸父

襄仲子

以襄仲之立公也有寵

欲去三桓以張公室與公謀而聘于晉欲以晉人去之

冬公薨季文子言於朝曰使我殺適立庶以失大援

者仲也夫

新注觀季文子此言蓋假正義以濟其私止欲去東門氏耳三家專權始於此臧

宣叔怒曰當其時不能治也後之人何罪子欲去之許

請去之遂逐東門氏

震仲居東門故曰東門氏

子家

歸父

還及笙壇帷

復命於介既復命袒括髮即位哭三踊而出遂奔齊書

曰歸父還自晉善之也

成公

謚法安民立政曰成

名黑肱宣公子穆姜
所生在位十八年薨

經元年春王正月公即位 二月辛酉葬我君宣公無

冰

無傳周二月
今之十二月

三月作丘甲

詳見征
伐書

夏臧孫許及晉

侯盟于赤棘

傳元年春為齊難故作丘甲聞齊將出楚師 夏盟于

赤棘

與晉盟
懼齊楚

冬臧宣叔令脩賦繕完具守備曰齊楚

結好我新與晉盟晉楚爭盟齊師必至雖晉人伐齊楚
必救之是齊楚同我也知難而有備乃可以逞

經二年春齊侯伐我北鄙 夏六月癸酉季孫行父臧

孫許叔孫僑如公孫嬰齊帥師會晉郤克衛孫良夫曹

公子首及齊侯戰于鞏齊師敗績 秋八月取汶陽田

冬十有一月公會楚公子嬰齊于蜀丙申公及楚人

秦人宋人陳人衛人鄭人齊人曹人邾人薛人鄆人盟

于蜀

傳二年春齊侯伐我北鄙圍龍魯邑頃公之嬖人盧蒲就

魁門焉

政龍門

龍人囚之齊侯曰勿殺吾與而盟無入而

封弗聽殺而膊諸城上

磔也

齊侯親鼓士陵城三日取龍

遂南侵及巢丘

夏臧宣叔如晉乞師主卻獻子

時卻克與

齊有笑辱之怨

晉侯許之卻克將以救魯臧宣叔逆晉師且道

之季文子帥師會之六月癸酉師陳于鞌齊師敗績禽

鄭自師逆公

魯大夫逆公會晉師

秋七月晉師及齊國佐盟于

袁婁使齊人歸我汶陽之田

詳見晉

胡安國曰大國三軍次國二卿魯雖大國而四卿並

將是四軍也當此時舊制猶存尺地皆公室之地上

卿行父與僑如嬰齊各帥一軍會戰而臧孫許如
晉乞師又逆晉師為之道本不將兵特往來晉魯
兩軍之間預謀議耳成公初立主幼國危為季孫
一怒掃境內興師而四卿並出肆其憤欲雖無人
乎成公之側有不恤也然後政自季氏出矣將稱
元帥略其副屬詞之體也而四卿皆書者豈特為
詳內錄哉堅冰之戒亦明矣

冬楚師侵衛遂侵我師于蜀使臧孫往

宣叔

辭曰楚遠而

久固將退矣無功而受名臣不敢

不敢虛受退楚名

楚侵及陽

橋

魯地

孟孫請往賂之以執斲執鉞織紵皆百人公衡為

質

成公子

以請盟楚人許平十一月公及楚公子嬰齊蔡

侯許男秦右大夫說宋華元陳公孫寧衛孫良夫鄭公

子去疾及齊國之大夫盟于蜀卿不書匱盟也

匱乏

於是

乎畏晉而竊與楚盟故曰匱盟楚師及宋公衡逃歸臧

宣叔曰衡父不忍數年之不宴

樂也

以棄魯國國將若之

何誰居

音基辭也

後之人必有任是夫國棄矣

經三年春王正月公會晉侯宋公衛侯曹伯伐鄭

傳見晉

二月公至自伐鄭

無傳

甲子新宮災三日哭

無傳

夏公如晉

公至自晉

無傳

秋叔孫僑如帥師圍棘

汶陽之邑

大雩

無傳

冬十有一月晉侯使荀庚來聘衛侯使孫良夫來聘丙午及荀庚盟丁未及孫良夫盟

傳三年夏公如晉拜汶陽之田秋叔孫僑如圍棘取

汶陽之田棘不服故圍之冬十一月晉侯使荀庚來

聘且尋盟

尋元年赤棘盟

衛侯使孫良夫來聘且尋盟

尋宣七年盟

公問諸臧宣叔曰中行伯之於晉也其位在三下卿孫子

之於衛也位為上卿將誰先對曰次國之上卿當大國

之中中當其下下當其上大夫降一等小國之上卿當大

國之下卿中當其上大夫下當其下大夫降二等上下

如是古之制也衛在晉不得為次國春秋時以強弱為大小故衛雖侯爵猶為

小國晉為盟主其將先之丙午盟晉丁未盟衛禮也

經四年春宋公使華元來聘三月杞伯來朝傳見宋杞

夏四月甲寅臧孫許卒無公如晉秋公至自晉冬

城郢

無傳

傳四年夏公如晉晉侯見公不敬

秋公至自晉欲求

成于楚而叛晉季文子曰不可晉雖無道未可叛也國大臣睦而邇於我諸侯聽焉未可以貳史佚之志有之曰非我族類其心必異楚雖大非吾族也其肯字愛也我乎公乃止

經五年春王正月杞叔姬來歸

出也

仲孫蔑如宋夏叔

孫僑如會晉荀首于穀

秋太水

無傳

冬十有二月己

丑公會晉侯齊侯宋公衛侯鄭伯曹伯邾子杞伯同盟

于蟲牢

傳見晉

經六年春王正月公至自會

無傳

二月辛巳立武宮取鄆

夏六月邾子來朝公孫嬰齊如晉 秋仲孫蔑叔孫

僑如帥師侵宋楚公子嬰齊帥師伐鄭 冬季孫行父

如晉晉欒書帥師救鄭

傳六年春二月季文子以鞶之功立武宮非禮也聽於

人以救其難不可以立武立武由已非由人也

言魯請晉救難

勝非已功

取鄭言易也

夏六月子叔聲伯如晉命伐宋

晉人

命聲伯

秋孟獻子叔孫宣伯侵宋晉命也

啖助辨疑曰傳意以為武軍之宮如楚子所立者非也宣十二年楚自郟戰回作先君宮告成事若然煬宮復何謂乎

經七年春王正月鼯鼠食郊牛角改卜牛鼯鼠又食其

角乃免牛

夏五月曹伯來朝

傳見晉

不郊猶三望

秋

公會晉侯齊侯宋公衛侯曹伯莒子邾子杞伯救鄭八

月戊辰同盟于馬陵 公至自會 冬大雩

無傳

經八年春晉侯使韓穿來言汶陽之田歸之于齊 公

孫嬰齊如莒 宋公使華元來聘 夏宋公使公孫壽

來納幣 秋七月天子使召伯來賜公命 冬十月癸

卯杞叔姬卒 晉侯使士燮來聘叔孫僑如會晉士燮

齊人邾人伐郟衛人來媵

傳八年春晉侯使韓穿來言汶陽之田歸之于齊季文

子餞之私焉曰大國制義以為盟主謂汶陽之田敝邑

之舊也而用師於齊使歸諸敝邑

鞏之戰

今有二命曰歸

諸齊信以行義義以成命小國所望而懷也信不可知義無所立四方諸侯其誰不解體聲伯如莒逆也宋

來聘共姬

秋召桓公來賜公命

冬杞叔姬卒來歸

自杞故書

晉士燮來聘言伐鄭也以其事吳故公賂

之請緩師文子不可曰君命無貳失信不立禮無加貨

事二成君後諸侯是寡君不得事君也燮將復之季孫

懼使宣伯帥師會伐鄭衛人來媵共姬禮也凡諸侯嫁女

同姓媵之異姓則否

經九年春王正月杞伯來逆叔姬之喪以歸

傳見杞

公會

晉侯齊侯宋公衛侯鄭伯曹伯莒子杞伯同盟于蒲公

至自會

無傳

二月伯姬歸于宋

夏季孫行父如宋致女

晉人來媵

冬十有一月城中城

傳九年春為歸汶陽之田故諸侯貳於晉晉人懼會於

蒲二月伯姬歸于宋

夏季文子如宋致女復命公享

之賦韓奕之五章

言讎父嫁女

穆姜出于房再拜曰大夫勤

辱不忘先君以及嗣君施及未亡人先君猶有望也敢拜大夫之重勤又賦綠衣之卒章而入晉人來媵禮也

同姓故

冬十一月城中城書時也

經十年夏四月五卜郊不從乃不郊五月公會晉侯齊

侯宋公衛侯曹伯伐鄭

傳見晉

齊人來媵

無傳異姓非禮

秋七

月公如晉

傳十年秋公如晉

親弔景公非禮

晉人止公使送葬於是糴茭

未反

是春晉使糴茭至楚結成晉謂魯貳於楚故留公須糴茭還驗其虛實

冬葬晉景

公公送葬諸侯莫在魯人辱之故不書諱之也

經十有一年春王三月公至自晉晉侯使卻犇來聘已

丑及卻犇盟夏季孫行父如晉秋叔孫僑如如齊

傳十一年春王三月公至自晉晉人以公為貳於楚故

止公公請受盟而後使歸卻犇來聘且涖盟聲伯之

母不聘

叔肸妻不聘無媒禮

穆姜曰吾不以妾為如

昆弟之妾相謂為如穆姜

宣公夫人宣公叔肸同母昆弟

生聲伯而出之嫁於齊管于奚生二子

而寡以歸聲伯聲伯以其外弟為大夫而嫁其外妹於

施孝叔

魯惠公五世孫

卻犇來聘求婦於聲伯聲伯奪施氏婦

以與之婦人曰烏獸猶不失儷子將若何曰吾不能死

亡

言不與卻犇婦懼致禍

婦人遂行生二子於卻氏卻氏亡晉人

歸之施氏施氏逆諸河沈其二子婦人怒曰已不能庇

其伉儷而亡之又不能字人之孤而殺之將何以終遂

誓施氏夏季文子如晉報聘且涖盟也秋宣伯聘

于齊以脩前好

窳以前好

經十有二年夏公會晉侯衛侯于瑣澤

傳見晉

經十有三年春晉侯使卻錡來乞師三月公如京師夏
五月公自京師遂會晉侯齊侯宋公衛侯鄭伯曹伯邾
人滕人伐秦 秋七月公至自伐秦

傳見晉

經十有四年春王正月 秋叔孫僑如如齊逆女九月
僑如以夫人婦姜氏至自齊

傳十四年秋宣伯如齊逆女稱族尊君命也九月僑如

以夫人婦姜氏至自齊舍族尊夫人也

不稱叔孫

故君子曰

春秋之稱微而顯志而晦婉而成章盡而不汙懲惡而

勸善非聖人誰能脩之

新注此得春秋之旨但於此舉例不當耳

劉敞曰稱族尊君命舍族尊夫人非也一事而再見者卒名之此春秋之常耳非為尊君命故氏尊夫人故舍族也

經十有五年春三月乙巳仲嬰齊卒

無傳襄仲子公孫歸父弟宣十八年

逐東門氏既而又使嬰齊紹其後曰仲氏

癸丑公會晉侯衛侯鄭伯曹伯宋

世子成齊國佐邾人同盟于戚

傳見晉

公至自會

無傳

冬

十有一月叔孫僑如會晉士燮齊高無咎宋華元衛孫

林父鄭公子鮑邾人會吳于鍾離

詳見吳

許遷于葉

經十有六年春王正月雨水冰

夏六月丙寅朔日有

食之

無傳

晉侯使欒黶來乞師

秋公會晉侯齊侯衛侯

宋華元邾人于沙隨不見公公至自會

無傳

公會尹子晉

侯齊國佐邾人伐鄭

傳見晉

九月晉人執季孫行父舍之

于莒丘

冬十月乙亥叔孫僑如出奔齊十有二月乙

丑季孫行父及晉卻犢盟于扈

公至自會乙酉刺公

子偃

傳十六年春晉厲公將伐鄭使欒黶來乞師孟獻子曰
有勝矣六月甲午晦晉楚戰于鄢陵戰之日齊國佐高
無咎至于師衛侯出于衛公出于壞隤宣伯通於穆

姜

成公母

欲去季孟而取其室

季文子孟獻子

將行

公與晉會

穆姜送

公而使逐二子公以晉難告曰請反而聽命姜怒公子

偃公子鉏

公庶弟

趨過指之曰女不可是皆君也

言欲廢公更立

公待于壞隤申宮儼備設守而後行是以後

後晉楚戰期

使孟

獻子守于公宮

秋會于沙隨宣伯使告卻犢曰魯侯

待于壤隕以待勝者

觀晉楚之勝負

郤犢將新軍且為公族大

夫以主東諸侯

主齊魯之屬

取貨于宣伯而訴公于晉侯晉

侯不見公

七月公會尹武公及諸侯伐鄭將行姜又

命公如初

復欲使公逐季孟

公又申守而行宣伯使告郤犢曰

魯之有季孟猶晉之有欒范也政令於是乎成今其謀

曰晉政多門不可從也寧事齊楚有亡而已蔑從晉矣

若欲得志於魯請止行父

季文子

而殺之我斃蔑也

孟獻子時

留守公宮

而事晉蔑有貳矣魯不貳小國必睦不然歸必叛

矣 九月晉人執季文子于莒丘公還待于鄆使子叔
聲伯請季孫于晉卻犢曰苟去仲孫蔑而止季孫行父
吾與子國親於公室對曰僑如之情子必聞之矣

聞其淫惡

情

若去蔑與行父是大棄魯國而罪寡君也若猶不棄

而惠徼周公之福使寡君得事晉君則夫二人者魯國
社稷之臣也若朝亡之魯必夕亡以魯之密邇仇讎亡
而為讎治之何及卻犢曰吾為子請邑對曰嬰齊魯之
常隸也敢介大國以求厚焉承寡君之命以請若得所

請吾子之賜多矣又何求范文子謂欒武子曰季孫於魯相二君矣妾不衣帛馬不食粟可不謂忠乎信讒慝而棄忠良若諸侯何子叔嬰齊奉君命無私謀國家不貳圖其身不忘其君若虛其請是棄善人也子其圖之乃許魯平赦季孫冬十月出叔孫僑如而盟之僑如奔齊諸大夫共盟以僑如為戒十二月季孫及卻犢盟于扈歸刺公子偃召叔孫豹于齊而立之齊聲孟子通僑如使立於高國之間僑如曰不可以再罪奔衛亦間於卿

經十有七年夏公會尹子單子晉侯齊侯宋公衛侯曹

伯邾人伐鄭六月乙酉同盟于柯陵

傳見晉

秋公至自

會

無傳

九月辛丑用郊

無傳

冬公會單子晉侯宋公衛侯

曹伯齊人邾人伐鄭

傳見鄭

十有一月公至自伐鄭

無傳

壬

申公孫嬰齊卒于貍脰十有二月丁巳朔日有食之

無傳

傳十七年冬諸侯伐鄭十一月諸侯還

初聲伯

子叔嬰齊

夢

涉洹

音桓

或與已瓊瑰食之泣而為瓊瑰盈其懷從而歌

之曰濟洹之水贈我以瓊瑰歸乎歸乎瓊瑰盈吾懷乎

懼不敢占也還自鄭壬申至于貍脰而占之曰余恐死
故不敢占也今衆繁而從余三年矣無傷也言之之莫
音 暮而卒

經十有八年春王正月公如晉

經閏月

夏公至自晉晉

使士匄來聘

秋杞伯來朝八月邾子來朝

傳見杞邾

築鹿

圉 己丑公薨于路寢

冬晉侯使士魴來乞師十有

二月仲孫蔑會晉侯宋公衛侯邾子齊崔杼同盟于虛

打丁未葬我君成公

傳十八年春二月晉悼公立公如晉朝 夏六月公至

自晉晉范宣子來聘且拜朝也 秋八月築鹿囿書不

時也 己丑公薨于路寢言道也道者薨之道 冬十一月

晉士魴來乞師將救楚伐宋 季文子問師數于臧武仲對曰


伐鄭之役知伯實來下軍之佐也今彘季魴士亦佐下軍

如伐鄭可也伐鄭在十七年 事大國無失班爵而加敬焉禮也

從之 十二月孟獻子會于虛打謀救宋也孟獻子請

于諸侯而先歸會葬 丁未葬我君成公書順也薨于路寢五月

而葬國家安靜世適承嗣故曰書順也新注以魯十二
公觀之隱桓閔被弑僖公薨于小寢文公薨于臺下皆薨
不得道也莊宣雖薨于路寢莊則子般
弑宣則歸父出奔惟成公薨葬得禮



春秋分記卷四十九

欽定四庫全書

經部

程氏春秋分記卷五十一

詳校官監察御史_臣李陽樞

給事中_臣溫常綬覆勘

總校官原任中允_臣王燕緒

校對官主簿_臣汪日贊

謄錄監生_臣張鴻仁

欽定四庫全書

春秋分記卷五十

宋程公說撰

內魯第四

襄公

襄公

諡曰襄公
有功曰襄

名午成公太子定
似所生在位三十一年薨

經元年春王正月公即位無傳公四年仲孫蔑會晉欒黶宋華元

衛甯殖曹人莒人邾人滕人薛人圍宋彭城傳見夏晉韓厥

帥師伐鄭仲孫蔑會齊崔杼曹人邾人杞人次于鄆

傳見齊秋

九月邾子來朝冬衛侯使公孫剽來聘晉侯使荀瑩來聘

傳元年秋九月邾子

公宣

來朝禮也冬衛子叔晉知武子

來聘禮也凡諸侯即位小國朝之大國聘焉以繼好結信謀事補闕禮之大者也

經二年春王正月夏五月庚寅夫人姜氏薨秋七月仲

孫蔑會晉荀瑩宋華元衛孫林父曹人邾人于戚己丑

葬我小君齊姜叔孫豹如宋冬仲孫蔑會晉荀瑩齊崔

杼宋華元衛孫林父曹人邾人滕人薛人小邾人于戚

遂城虎牢

以偏鄭傳並見晉

傳二年夏齊姜薨

初穆姜使擇美櫝以自為櫬與頌

琴季文子取以葬君子曰非禮也禮無所逆婦養姑者

也虧姑以成婦逆莫大焉

穆姜成公母齊姜成公婦

詩曰其惟哲人

告之話言順德之行

抑詩

季孫於是為不哲矣且姜氏君

之妣也詩曰為酒為醴烝畀祖妣以洽百禮降福孔偕

豐年齊侯使諸姜宗婦來送葬秋穆叔聘于宋通嗣君也

經三年春公如晉夏四月壬戌公及晉侯盟于長檮公

至自晉

無傳

六月公會單子晉侯宋公衛侯鄭伯莒子邾

子齊世子光己未同盟于雞澤戊寅叔孫豹及諸侯之

大夫及陳袁僑盟

傳見晉

秋公至自會

無傳

傳三年春公如晉始朝也夏盟于長檮孟獻子相公稽

首知武子曰天子在而君辱稽首寡君懼矣

稽首事天子禮

孟

獻子曰以敝邑介在東表密邇仇讐寡君將君是望敢

不稽首

經四年夏叔孫豹如晉秋七月戊子夫人如薨八月
辛亥葬我小君定如冬公如晉

傳四年夏穆叔如晉報知武子之聘也晉侯

悼公

享之金

奏肆夏之三不拜

周禮以鐘鼓奏九夏其二曰肆夏

工歌文王之三又

不拜

大雅之首文王大明繇

歌鹿鳴之三三拜

小雅之首鹿鳴四牡皇皇者華詩

見禮樂書

秋定如薨

成公妻襄公母

不殯于廟無櫬不虞匠慶謂季

文子曰子為正卿而小君之喪不成不終君也君長誰

受其咎

初季孫為已樹六檟於蒲圃東門之外匠慶

請木季孫曰略

不以道取為略

匠慶用蒲圃之櫝季孫不御

正也

君子曰志所謂多行無禮必自及也其是之謂乎冬公

如晉聽政

貢賦多少之政

晉侯享公公請屬鄆晉侯不許孟獻

子曰以寡君之密邇於仇讐而願固事君無失官命鄆

無賦於司馬為執事朝夕之命敝邑敝邑褊小闕而為

罪寡君是以願借助焉晉侯許之十月邾人莒人伐鄆

臧紇救鄆侵邾敗於狐駘國人逆喪者皆髻

側瓜切

魯於

是乎始髻

髻麻髮合結也遭喪多故不能備凶服髻而已

國人誦之曰臧之狐

襄紇時服敗我於狐貍我君小子朱儒是使朱儒朱儒

使我敗於邾

襄公幼弱故曰小子臧紇短小故曰朱儒敗不書魯人諱之紇臧武仲

經五年春公至自晉夏鄭伯使公子發來聘傳見叔

孫約鄆世子巫如晉仲孫蔑衛孫林父會吳于善道

傳見吳秋大雩公會晉侯宋公陳侯衛侯鄭伯曹伯莒

子邾子滕子薛伯齊世子光吳人鄆人于戚傳見公至

自會無傳冬公會晉侯宋公衛侯鄭伯曹伯齊世子光救

陳傳見十有二月公至自救陳無傳辛未季孫行父卒

傳五年春公至自晉夏穆叔覲鄆大子于晉以成屬鄆
秋大雩旱也九月盟于戚穆叔以屬鄆為不利使鄆

大夫聽命于會

鄆與莒有忿
魯不能救

冬季文子卒大夫入斂公

在位宰庀家器為葬備無衣帛之妾無食粟之馬無藏
金玉無重器備君子是以知季文子之忠於公室也相
三君矣而無私積可不謂忠乎

公說論曰魯公室失政自宣公始季氏專魯自文
子始春秋傷焉如曰自大夫出五世希不失矣言

自宣失政至成襄昭定而魯訖不振左氏乃以為
季文子相三君而無私積可不謂忠乎三君者指
宣成襄也魯國之政季氏專之魯國之民季氏有
之而曾謂其家無私積哉蓋左氏之嗜誣斯人也
已吾無取乎爾也

經六年夏宋華弱來奔秋滕子來朝

傳見宋滕

莒人滅鄆

冬叔孫豹如邾季孫宿如晉

傳六年秋莒人滅鄆鄆恃賂也

鄆有貢賦之賂在魯恃之而慢莒

冬穆

叔如邾聘且脩平

平四年
狐貽戰

晉人以鄆故來討曰何故亡

鄆季武子如晉見且聽命

經七年春鄆子來朝

傳見
鄭

夏四月三卜鄆不從乃免牲

小邾子來朝

傳見
小邾

城費

秋季孫宿如衛

八月螽

無冬
傳

十月衛侯使孫林父來聘壬戌及孫林父盟 十有二

月公會晉侯宋公陳侯衛侯曹伯莒子邾子于鄆

傳見
晉

傳七年夏四月三卜鄆不從乃免牲孟獻子曰吾乃今

而後知有卜筮夫鄆祀后稷以祈農事也是故啓蟄而

郊郊而後耕今既耕而卜郊宜其不從也

啓蟄夏正建寅之月耕謂

春

南遺為費宰

費季氏邑

叔仲昭伯

惠伯之孫

為隧正

主役徒

欲善

季氏而求媚於南遺謂遺請城費吾多與而役故季氏

城費秋季武子如衛報子叔之聘且辭緩報非貳也

子叔

聘在元年

冬十月衛孫文子來聘且拜武子之言而尋孫桓

子之盟

在成三年

經八年春王正月公如晉夏季孫宿會晉侯鄭伯齊人

宋人衛人邾人于邢丘公至自晉

無傳

莒人伐我東鄙秋

九月大雩 冬晉侯使士匄來聘

傳八年春公如晉朝且聽朝聘之數夏五月甲辰會于邢丘以命朝聘之數使諸侯大夫聽命

公說曰邢丘之會公在晉晉侯不與公會而與季孫宿政在季氏故也

莒人伐我東鄙以疆鄆田 秋九月大雩旱也 冬晉

范宣子來聘且拜公之辱告將用師于鄭公享之

詳見晉

經九年夏季孫宿如晉 五月辛酉夫人姜氏薨秋八

月癸未葬我小君穆姜

無傳四月而葬速

冬公會晉侯宋公衛

侯曹伯莒子邾子滕子薛伯杞伯小邾子齊世子光伐

鄭十有二月同盟于戲

詳見晉

傳九年夏季武子如晉報宣子之聘也 穆姜薨於東

宮

穆姜淫僞如故使徙居東宮見成十六年

始往而筮之遇艮之八三

艮下艮上

艮周禮大卜掌三易然則雜用連山歸藏周易三易皆以七八為占故言遇艮之八

史曰是謂艮

之隨

震下兌上隨史疑古易遇八為不利故更以周易占變爻得隨卦而論之

隨其出也

君必速出姜曰亡是於周易曰隨元亨利貞无咎元體

之長也亨嘉之會也利義之和也貞事之幹也體仁足以長人嘉德足以合禮利物足以和義貞固足以幹事然故不可誣也是以雖隨无咎今我婦人而與於亂固在下位而有不仁不可謂元不靖國家不可謂亨作而害身不可謂利棄位而姤淫別名戶交切不可謂貞有四德者隨而无咎我皆無之豈隨也哉我則取惡能无咎乎必死於此弗得出矣

論艮之八

公說曰易有四象六七八九七八為少少為定位
此不變者也六九為老老為變爻此變者也歸藏
連山用七八易用六九而七八亦在其中變者以
不變者為基不變者以變者為用今史揲而得艮
艮之二爻十有七策是為少陰餘三十有二四四
而運得八此為定位故唯二不動斯謂之遇艮之
八也餘五位皆九六故反焉主變者五而定者一
故以八為占蓋卦由老數而舉當曰六以筮由著

數而舉故斥曰八曰八則明其定位而示其用也
艮之六二曰艮其腓不拯其隨其心不快史以為
東宮實幽遇此不利故從變爻而占苟以悅姜也
何則卦以少為主若定者五而變者一即宜曰之
某卦觀之否師之臨是也今變者五定者一宜從
少占懼不吉而更之故曰是謂艮之隨是謂云者
遷就其說也而杜以為雜用三易烏知少陰四八
之數乎

論文言

公說曰文言者文其言也猶序彖說卦之類古有是言或文王或周公之辭孔子因其言而文之傳曰言之不文行而不遠故曰文言按左氏成十六年穆姜徃東宮筮之襄二十一年孔子生上距穆姜二十四年穆姜時雖已誦隨繇之辭因就及乾卦文言然其言與今易稍異刪改者二增益者六如易體為善易德為會所謂非聖人莫能脩之於

此可見則古有是言孔子文之蓋信然矣先儒歐陽不信文言為孔子作是知其一而未知其二也

冬十二月晉師侵鄭還公送晉侯晉侯以公宴于河上

問公年季武子對曰會于沙隨之歲寡君以生

成十六年晉

侯曰十二年矣是謂一終君可以冠矣曰諾公還及衛

冠于成公之廟

詳見禮樂書

經十年春公會晉侯宋公衛侯曹伯莒子邾子滕子薛

伯杞伯小邾子齊世子光會吳于柤

傳見晉

夏公至自會

無傳 秋莒人伐我東鄙公會晉侯宋公衛侯曹伯莒子邾

子齊世子光滕子薛伯杞伯小邾子伐鄭傳見冬公至

自伐鄭無傳

傳十年夏會于柤晉伐偃陽孟氏之臣秦堇父輦重如

役

堇父孟獻子家臣步挽重車以從師

偃陽人啓門諸侯之士門焉

見門開故

之攻縣門發邠人紇挾之以出門者

諸侯之士在門內者紇仲尼父狄虬

彌建大車之輪而蒙之以甲以為櫓

狄虬彌魯人

左執之右

拔戟以成一隊孟獻子曰詩所謂有力如虎者也主人

縣布董父登之及堞而絕之

偏陽人縣布以試外勇者

隊則又縣之

蘇而復上者三主人辭焉乃退帶其斷以徇於軍三日

師歸孟獻子以秦董父為右

嘉其勇力

生秦丕茲事仲尼

秋七月楚子囊鄭子耳侵我西鄙九月莒人間諸侯之

有事也

討鄭之事

伐我東鄙

經十有一年春王正月作三軍

增立中軍萬二千五百人為軍

夏四月

四卜郊不從乃不郊公會晉侯宋公衛侯曹伯齊世子

光莒子邾子滕子薛伯杞伯小邾子伐鄭秋七月己未

同盟于亳城北

傳見晉

公至自伐鄭

無傳

公會晉侯宋公衛

侯曹伯齊世子光莒子邾子滕子薛伯杞伯小邾子伐

鄭會于蕭魚

傳見晉

公至自會

無傳

傳十一年春季武子將作三軍告叔孫穆子曰請為三

軍各征其軍穆子曰政將及子子必不能武子固請之

穆子曰然則盟諸

穆子知季氏將復變易故盟之

乃盟諸僖闕詛諸五

父之衢正月作三軍三分公室而各有其一三子各毀

其乘季氏使其乘之人以其役邑入者無征

使軍乘之人入季氏

者無公征不入者倍征不入季氏使公家倍征之孟氏使半為臣若子若

弟四分其乘之人三叔孫氏使盡為臣盡取子弟以父兄歸公不

然不舍此三家盟

誣之本言

經十有二年春王三月莒人伐我東鄙圍台季孫宿帥師救台遂入鄆夏晉侯使士魴來聘冬公如晉

傳十二年夏晉士魴來聘且拜師秋吳子壽夢卒臨於

周廟禮也文王廟也周公出文王故魯立其廟也凡諸侯之喪異姓臨於

外於城外同姓於宗廟所出王同宗於祖廟始封君同

向其國

之廟

之廟

之廟

之廟

之廟

族於禰廟

父廟也同族謂高祖以下

是故魯為諸姬臨於周廟

諸姬同姓

國為邢凡蔣茅胙祭臨於周公之廟

即祖廟也六國皆周公之支子別封

為國其祖周公新注諸侯不得天子今魯有文王廟亦僭矣

冬公如晉朝且拜士魴

之辱禮也

趙氏辨疑曰大國使聘即須自往拜之是公無寧

歲也往而云禮也一何繆乎

經十有三年春公至自晉夏取郛

傳見郛

冬城防

傳十三年春公至自晉孟獻子書勞于廟禮也冬城

防書事時也於是將早城臧武仲請俟畢農事禮也

經十有四年春王正月季孫宿叔老會晉士匄齊人宋人衛人鄭公孫蠆曹人莒人邾人滕人薛人杞人小邾人會吳于向二月乙未朔日有食之

無傳

夏四月叔孫豹

會晉荀偃齊人宋人衛北宮括鄭公孫蠆曹人莒人邾人滕人薛人杞人小邾人伐秦莒人侵我東鄙冬季孫宿會晉士匄宋華閱衛孫林父鄭公孫蠆莒人邾人于

戚

傳並見晉

傳十四年春會于向於是子叔齊子為季武子介以會

自是晉人輕魯幣而益敬其使

新注賢魯使而減輕其幣

經十有五年春宋公使向戌來聘二月己亥及向戌盟

于劉夏齊侯伐我北鄙圍成公救成至遇

無傳

季孫宿叔

孫豹帥師城成郛

備齊

秋八月丁巳日有食之

無傳

邾人伐

我南鄙

傳十五年春宋向戌來聘且尋盟

報二年豹之聘尋十一年毫之盟

見

孟獻子尤

責也

其室曰子有令聞而美其室非所望也對

曰我在晉吾兄為之毀之重勞且不敢間 夏齊侯圍
成貳於晉故也於是乎城成鄆 秋邾人伐我南鄙使
告于晉

經十有六年春三月公會晉侯宋公衛侯鄭伯曹伯莒
子邾子薛伯杞伯小邾子于濼梁戊寅大夫盟齊侯伐
我北鄙夏公至自會五月甲子地震

無傳

叔老會鄭伯晉

荀偃衛甯殖宋人伐許秋齊侯伐我北鄙圍郕大雩

無傳

冬叔孫豹如晉

傳十六年秋齊侯圍郕孟孺子速

獻子

徼之齊侯曰是

好勇去之以為之名速遂塞海陘而還

冬穆叔如晉

聘且言齊故

言齊再伐魯

晉人曰以寡君之未禘祀

喪終吉祭

與

民之未息

新伐許及楚

不然不敢忘穆叔曰以齊人之朝夕

釋憾於敝邑之地是以大請敝邑之急朝不及夕引領

西望曰庶幾乎比執事之間

音閑

恐無及也見中行獻子

賦圻父

掌封畿之兵甲

獻子曰偃知罪矣敢不從執事以同恤

社稷而使魯及此見范宣子賦鴻雁之卒章

維此哲人謂我劬勞

宣子曰句在此敢使魯無鳩乎

集也

經十有七年秋齊侯伐我北鄙圍桃高厚帥師伐我北

鄙圍防

九月大雩

無傳

冬邾人伐我南鄙

傳十七年齊人以其未得志于我故秋齊侯伐我北鄙

圍桃高厚圍臧紇于防師自陽關逆臧孫至于旅松耶

叔紇臧疇臧賈帥甲三百宵犯齊師送之而復

夜送臧紇于旅

松而復還守防

齊師去之

失臧紇故

齊人獲臧堅

紇之族

齊侯使夙沙

衛唁之且曰無死

使無自殺

堅稽首曰拜命之辱抑君賜不

終姑又使其刑臣禮於士以杙抉其傷而死

沙衛奄人
抉烏穴反

冬邾人伐我南鄙為齊故也

齊未得志於
魯邾助之

經十有八年春白狄來

秋齊師伐我北鄙冬十月公

會晉侯宋公衛侯鄭伯曹伯莒子邾子滕子薛伯杞伯

小邾子同圍齊

傳見
齊

傳十八年秋齊侯伐我北鄙冬十月會于魯濟謀伐齊

齊侯禦諸平陰丙寅晦齊師夜遁十二月東侵及濰

南及沂

詳見
齊

經十有九年春王正月諸侯盟于祝柯 晉人執邾子

公至自伐齊 取邾田自漵水 季孫宿如晉秋八

月丙辰仲孫蔑卒

無傳

冬城西郭 叔孫豹會晉士匄于

柯 城武城

傳十九年春諸侯還自沂上盟于督揚

祝柯

曰大毋侵小

執邾悼公以其伐我故

在十七年

遂次于泗上疆我田取邾

田自漵水歸之于我

季武子如晉拜師晉侯享之季武子以所得於齊之兵

作林鐘而銘魯功焉臧武仲謂季孫曰非禮也夫銘天

子令德諸侯言時計功大夫稱伐今稱伐則下等也

從大

夫計功則借人也

借晉力

言時則妨民多矣何以為銘且

夫大伐小取其所得以作彝器銘其功烈以示子孫昭
明德而懲無禮也今將借人之力以救其死若之何銘
之小國幸於大國而昭所獲焉以怒之亡之道也 冬
城西郭懼齊也齊及晉平盟于大隧故穆叔會范宣子
于柯穆叔歸曰齊猶未也不可以不懼乃城武城

經二十年春王正月辛亥仲孫速會莒人盟于向

莒傳見

夏六月庚申公會晉侯齊侯宋公衛侯鄭伯曹伯莒子

邾子滕子薛伯杞伯小邾子盟于澶淵

傳見齊

秋公至自

會

無傳

仲孫速帥師伐邾

傳見邾

叔老如齊冬十月丙辰朔

日有食之

無傳

季孫宿如宋

傳二十年秋齊子初聘于齊禮也

齊魯有怨今始復通

冬季武子

如宋報向戌之聘也

十五年

褚師段逆之以受享賦常棣

之七章以卒

妻子好合如鼓瑟琴

宋人重賄之歸復命公享之賦

魚麗之卒章

物其有矣
維其時矣

公賦南山有臺

樂得
賢也

武子去所

曰臣不堪也

經二十有一年春王正月公如晉 邾庶其以漆間丘

來奔

邾傳見

夏公至自晉

秋九月庚戌朔日有食之冬

十月庚辰朔日有食之

無傳

曹伯來朝公會晉侯齊侯宋

公衛侯鄭伯曹伯莒子邾子于商任

傳見
曹晉

傳二十一年春公如晉拜師及取邾田也 邾庶其以

漆間丘來奔

邾大
夫

季武子以公姑姊妻之皆有賜於其

從者於是魯多盜季孫謂臧武仲曰子盍詰盜武仲曰
不可詰也紇又不能季孫曰我有四封而詰其盜何故
不可子為司寇將盜是務去若之何不能武仲曰子召
外盜而大禮焉何以止吾盜子為正卿而來外盜使紇
去之將何以能庶其竊邑於邾以來子以姬氏妻之而
與之邑其從者皆有賜焉若大盜禮焉以君之姑姊與
其大邑其次阜牧輿馬其小者衣裳劍帶是賞盜也賞
而去之其或難焉紇也聞之在上位者洒濯其心

新注
滌濯

其私心

壹以待人軌度其信可明徵也而後可以治人夫
上之所為民之歸也上所不為而民或為之是以加刑
罰焉而莫敢不懲若上之所為而民亦為之乃其所也
又可禁乎夏書曰念茲在茲釋茲在茲名言茲在茲允
出茲在茲惟帝念功將謂由已壹也信由已壹而後功
可念也庶其非卿也以地來雖賤必書重地也

經二十有二年春王正月公至自會

無傳

秋七月辛酉叔

老卒冬公會晉侯齊侯宋公衛侯鄭伯曹伯莒子邾子

薛伯杞伯小邾子于沙隨

傳見晉

公至自會

無傳是年孔子生

傳二十二年春臧武仲如晉雨過御叔

魯御邑大夫

御叔在

其邑將飲酒曰焉用聖人

武仲多知人謂之聖

我將飲酒而已雨

行何以聖為穆叔聞之曰不可使也而傲使人國之蠹

也令倍其賦

經二十有三年春王二月癸酉朔日有食之

夏邾畀

我來奔

無傳

秋八月叔孫豹帥師救晉次于雍榆

樂盈之難

已

邾仲孫速卒

冬十月乙亥臧孫紇出奔邾

傳二十三年秋八月季武子無適子公彌長公而愛悼

子紇欲立之訪於申豐曰彌與紇吾皆愛之欲擇才焉

而立之申豐趨退歸盡室將行季氏屬大夫他日又訪焉對

曰其然將具敝車而行乃止止不立紇訪於臧紇臧紇曰飲

我酒吾為子立之季氏飲大夫酒臧紇為客既獻臧孫

命北面重席新樽絜之召悼子降逆之大夫皆起臧孫下迎

悼子及旅而召公鉏使與之齒使從庶子之禮列在悼子之下季孫失色

恐公鉏不從季氏以公鉏為馬正愠而不出閔子馬見之曰

子無然禍福無門唯人所召為人子者患不孝不患無所敬共父命何常之有若能孝敬富倍季氏可也姦回不軌禍倍下民可也公鉏然之敬共朝夕恪居官次季孫喜使飲已酒而以具徃盡舍旃故公鉏氏富又出為

公左宰

出季氏家臣仕於公

孟孫惡臧孫季孫愛之

愛成已志

孟氏之

御騶豐點好羯也

羯孟莊子之庶子孺子秩之弟孝伯

曰從余言必為孟

孫

為孟孫後

再三云羯從之孟莊子疾豐點謂公鉏苟立羯

請讐臧氏

使孟氏與公鉏共憎臧孫

公鉏謂季孫曰孺子秩固其所

也若羯立則季氏信有力於臧氏矣

臧氏因季孫之欲而為定之猶為有

力今若專立孟氏之少則季孫有力過於臧氏

弗應已卯孟孫卒公鉏奉羯立

于戶側季孫至入哭而出臧孫入哭甚哀多涕出其御

曰孟孫之惡子也而哀如是季孫若死其若之何臧孫

曰季孫之愛我疾疚也

常志相順從身之害疚恥刃切

孟孫之惡我藥

石也美疚不如惡石夫石猶生我疚之美其毒滋多孟

孫死吾亡無日矣孟氏閉門告於季孫曰臧氏將為亂

不使我葬

欲為公鉏讐臧氏

季孫不信臧孫聞之戒冬十月孟

氏將辟藉除於臧氏

辟穿藏也於臧氏借人除墓道

臧孫使正夫助之

除於東門甲從已而視之

畏孟氏故從甲

孟氏又告季孫季孫

怒命攻臧氏

見其有甲故

乙亥臧紇斬鹿門之關以出奔邾

初臧宣叔娶于鑄生賈及為而死繼室以其姪穆姜

之姨子也生紇長於公宮姜氏愛之故立之臧賈臧為

出在鑄臧武仲自邾使告臧賈且致大蔡焉

新注大蔡是寶龜亦

非大夫所藏

曰紇不佞失守宗祧敢告不弔紇之罪不及不

祀子以大蔡納請其可賈曰是家之禍也非子之過也

賈聞命矣再拜受龜使為以納請

賈為已請

遂自為也

為自為請

臧孫如防

臧孫邑

使來告曰紇非能害也知不足也非敢

私請苟守先祀無廢二勲

文仲宣叔新注僖二十六年臧文仲以楚師伐齊取穀成

二年宣叔以晉師伐齊取汶陽是為二勲

敢不避邑乃立臧為臧紇致防而

奔齊其人曰其盟我乎臧孫曰無辭

廢長立少季孫所忌故謂無辭以罪

已將盟臧氏季孫召外史掌惡臣而問盟首焉對曰盟

東門氏也曰毋或如東門遂不聽公命殺適立庶

公子遂殺

惡而立

盟叔孫氏也曰毋或如叔孫僑如欲廢國常蕩

宣公

覆公室

謂諸公與季孟於晉

季孫曰臧孫之罪皆不及此孟椒曰

盍以其犯門斬關季孫用之乃盟臧氏曰毋或如臧孫

紇干國之紀犯門斬關臧孫聞之曰國有人焉誰居

音基

其孟椒乎齊侯將為臧紇田臧孫聞之見齊侯與之

言伐晉

時齊侯方伐晉歸自道伐晉之功

對曰多則多矣抑君似鼠夫

鼠晝伏夜動不穴於寢廟畏人故也今君聞晉之亂而

後作焉

晉有樂盈之難

寧將事之非鼠何如乃弗與田仲尼曰

知之難也有臧武仲之知而不容於魯國抑有由也作

不順而施不怨也夏書曰念茲在茲順事恕施也

新注
論語

臧武仲以防求為後於魯
雖曰不要君吾不信也

經二十四年春叔孫豹如晉仲孫羯帥師侵齊

為晉
秋故

七月甲子朔日有食之既大水八月癸巳朔日有食之

無傳公會晉侯宋公衛侯鄭伯曹伯莒子邾子滕子薛伯

杞伯小邾子于夷儀

詳見
晉

冬公至自會

無傳

叔孫豹如京

師大饑

無傳

傳二十四年春穆叔如晉范宣子逆之問焉曰古人有

言曰死而不朽何謂也穆叔未對宣子曰昔句之祖自
虞以上為陶唐氏在夏為御龍氏在商為豕韋氏在周
為唐杜氏晉主夏盟為范氏其是之謂乎穆叔曰以豹
所聞此之謂世祿非不朽也魯有先大夫曰臧文仲既
沒其言立其是之謂乎豹聞之大上有立德其次有立
功其次有立言雖久不廢此之謂不朽若夫保姓受氏
以守宗祊世不絕祀無國無之祿之大者不可謂不朽
冬穆叔如周聘王嘉其有禮也賜之大路

經二十有五年春齊崔杼帥師伐我北鄙

傳見齊

夏五月

公會晉侯宋公衛侯鄭伯曹伯莒子邾子滕子薛伯杞

伯小邾子于夷儀

傳見晉

秋公至自會

無傳

經二十有六年夏晉侯使荀吳來聘公會晉人鄭良霄

宋人曹人于澶淵秋晉人執衛甯喜

傳見衛

經二十七年春齊侯使慶封來聘夏叔孫豹會晉趙武

楚屈建蔡公孫歸生衛石惡陳孔奐鄭良霄許人曹人

于宋秋七月辛巳豹及諸侯之大夫盟于宋

傳見晉

冬十

有二月乙亥朔日有食之

傳二十七年冬十一月乙亥朔日有食之辰在中司歷

過也再失閏矣

新注姜炭曰交會應在此月不為再失閏也

經二十有八年春無冰

宋傳見

夏邾子來朝

邾傳見

秋八月

大雩仲孫羯如晉

冬齊慶封來奔

齊傳見

十有一月公

如楚

傳二十八年秋八月大雩旱也孟孝伯如晉告將為宋

之盟故如楚也

宋之盟晉楚之從交相見在二十七年

冬十二月為宋之

盟故公如楚及漢楚康王卒公欲反叔仲昭伯曰我楚國之為豈為一人行也子服惠伯曰君子有遠慮小人從邇飢寒之不恤誰遑其後不如姑歸也叔孫穆子曰叔仲子專之矣子服子始學者也榮成伯曰遠圖者忠也公遂行

從昭伯謀

經二十有九年春王正月公在楚夏五月公至自楚

仲孫羯會晉荀盈齊高止宋華定衛世叔儀鄭公孫段曹人莒人滕人薛人小邾人城杞晉侯使士鞅來聘杞

子來盟吳子使札來聘

傳見晉吳

冬仲孫羯如晉

傳二十九年春王正月公在楚釋不朝正于廟也 夏

四月葬楚康王公送葬至于西門之外還及方城季武

子取卞使公冶問

問公起居

璽書追而與之曰聞守卞者將

叛臣帥徒以討之既得之矣敢告公冶致使而退及舍

而後聞取卞公曰欲之而言叛祇見疏也公謂公冶曰

吾可以入乎對曰君實有國誰敢違君公與公冶冕服

固辭強之而後受公欲無入榮成伯賦式微乃歸

式微胡不

歸

五月公至自楚公冶致其邑於季氏而終不入焉

不入

季孫家

曰欺其君何必使余季孫見之則言季氏如他日

不見則終不言季氏及疾聚其臣曰我死必無以冕服

斂非德賞也且無使季氏葬我

六月范獻子來聘公

享之展莊叔執幣射者三耦

二人為耦

公臣不足取於家臣

家臣展瑕展玉父為一耦公臣公巫召伯仲顏莊叔為

一耦鄆鼓父黨叔為一耦吳公子札來聘見叔孫穆子

說之謂穆子曰子其不得死乎好善而不能擇人吾聞

君子務在擇人吾子為魯宗卿而任其大政不慎舉何以堪之禍必及子請觀於周樂使工為之歌周南召南邶鄘衛王鄭齊豳秦魏唐陳鄘曹

詳見吳

經三十年春王正月楚子使薳罷來聘秋叔弓如宋葬

宋共姬

傳見宋

傳三十年冬十月會于澶淵宋災故尤之也不書魯大夫諱之也

經三十有一年春王正月 夏六月辛巳公薨于楚宮

秋九月癸巳子野卒 己亥仲孫羯卒 冬十月滕子來會葬癸酉葬我君襄公

傳三十一年春王正月穆叔至自會

澶淵會還

見孟孝伯語

之曰趙孟將死矣其語偷不似民主若趙孟死為政者其韓子乎

韓起

吾子盍與季孫言之可以樹善君子也若

不樹焉使早備魯

使季子早為魯備

既而政在大夫韓子懦弱

大夫多貪求欲無厭齊楚未足與也魯其懼哉孝伯曰人生幾何誰能無偷朝不及夕將安用樹穆叔出而告

人曰孟孫將死矣吾語諸趙孟之偷也而又甚焉又與

季孫語晉故季孫不從及趙文子卒

昭元年

韓宣子為政

魯不堪晉求讒慝弘多是以有平丘之會

在昭十三年晉人執意如

夏五月公作楚宮

適楚好其宮歸而作之

穆叔曰大誓云民之所

欲天必從之君欲楚也夫故作其宮若不復適楚必死

是宮也六月辛巳公薨于楚宮叔仲帶竊其拱璧以與

御人納諸其懷而從取之由是得罪

得罪於魯人

立胡女敬

歸之子子野

敬歸襄公妾

次于季氏秋九月癸巳卒毀也

過哀

毀瘠

己亥孟孝伯卒

立敬歸之娣齊歸之子公子稠

昭公

名

穆叔不欲曰大子死有母弟則立之無則立長

立庶以年

年

鈞擇賢義鈞則卜古之道也非適嗣何必娣之子

子野非適

且是人也居喪而不哀在戚而有嘉容是謂不度不度

之人鮮不為患若果立之必為季氏憂武子不聽卒立

之比及葬三易袞袞如故衰於是昭公十九年矣猶

有童心君子是以知其不能終也 冬十月癸酉葬襄

公

春秋分記卷五十

欽定四庫全書

春秋分記卷五十一

宋程公說撰

內魯第五

昭公

昭公

謚法威儀共明曰昭

名稠襄公子齊歸所生。在位二十五年。孫于齊。在外七年。薨于乾侯。共三十二年。

經元年春王正月公即位

無傳

叔孫豹會晉趙武楚公子

圍齊國弱宋向戌衛齊惡陳公子招蔡公孫歸生鄭罕

虎許人曹人于號三月取鄆秋叔弓帥師疆鄆田

傳元年春會于號三月甲辰盟季武子伐莒取鄆莒人

告於會楚告于晉曰尋盟未退而魯伐莒潰齊盟請戮

其使

時叔孫豹在會

樂桓子相趙文子欲求貨于叔孫而為之

請使請帶焉

難指求貨以帶為辭

弗與梁其錙曰貨以藩身子何

愛焉叔孫曰諸侯之會衛社稷也我以貨免魯必受師

是禍之也何衛之為人_之有牆以蔽惡也牆之隙壞誰

之咎也衛而惡之吾又甚焉

罪甚

雖怨季孫魯國何罪

怨其叔出季處有自來矣吾又誰怨然鮒也賄弗與不

已召使者裂裳帛而與之曰帶其褊矣趙孟聞之曰臨

患不忘國忠也

謂言魯國何罪

思難不越官信也

謂言叔出季處

圖國

忘死貞也

謂不以貨免

謀主三者義也有是四者又可戮乎

乃請諸楚曰魯雖有罪其執事不避難畏威而敬命矣

子若免之以勸左右可也若子之羣吏處不辟汚出不

逃難其何患之有患之所生汚而不治難而不守所由

來也能是二者又何患焉不靖其能其誰從之魯叔孫

豹可謂能矣請免之以靖能者子會而赦有罪

不伐魯又

賞其賢

赦叔孫

諸侯其誰不欣焉望楚而歸之視遠如邇

疆場之邑一彼一此何常之有王伯之令也

言三王五伯有令德

時

正也

引其封疆而樹之官舉之表旗而著之制令

旌旗以表

貴賤為諸侯作制度法令使不相侵犯

過則有刑猶不可壹於是乎虞有

三苗夏有觀扈商有妣邳周有徐奄自無令王諸侯逐

進狎主齊盟其又可壹乎恤大舍小足以為盟主又焉

用之封疆之削何國蔑有主齊盟者誰能辯

治也

焉吳濮

有釁楚之執事豈其顧盟莒之疆事楚勿與知諸侯無

煩不亦可乎莒魯爭鄆為日久矣苟無大害於其社稷

可無亢

禦也

也去煩宥善莫不競勸子其圖之固請諸楚

楚人許之乃免叔孫夏四月叔孫歸曾天御季孫以勞

之旦及日中不出曾天謂曾阜

叔孫家臣

曰旦及日中吾知

罪矣魯以相忍為國也忍其外不忍其內焉用之

欲受楚戮

是忍其外日中不出是不忍其內

阜曰數月於外一旦於是庸何傷賈

而欲贏而惡詈乎

言如商賈求贏利不得惡喧詈之聲

阜謂叔孫曰可以

出矣叔孫指楹曰雖惡是其可去乎乃出見之 秋叔

弓帥師疆鄆田因莒亂也

時莒展與奔吳

經二年春晉侯使韓起來聘夏叔弓如晉冬公如晉至河乃復季孫宿如晉

傳二年春晉侯使韓宣子來聘且告為政而來見禮也

伐趙武為政

觀書於太史氏見易象與魯春秋曰周禮盡在

魯矣吾乃今知周公之德與周之所以王也公享之季

武子賦緜之卒章

取文王有四臣能綿綿致興盛

韓子賦角弓

兄弟昏姻無胥

遠矣李武子拜曰敢拜子之彌縫敝邑寡君有望矣武子

賦節之卒章

式訛爾心以畜萬邦

既享宴于季氏有嘉樹焉宣子

譽之武子曰宿敢不封殖此樹以無忘角弓遂賦甘棠

以宣子比召公

宣子曰起不堪也無以及召公夏叔弓聘于

晉報宣子也晉侯使郊勞辭曰寡君使弓來繼舊好固

曰女無敢為賓徹命於執事敝邑弘矣敢辱郊使請辭

致館辭曰寡君命下臣來繼舊好好合使成臣之祿也

敢辱大館叔向曰子叔子知禮哉吾聞之曰忠信禮之

器也卑讓禮之宗也辭不忘國忠信也先國後已卑讓也詩曰敬慎威儀以近有德夫子近德矣

經三年夏叔弓如滕秋小邾子來朝

傳見小邾

八月大雩冬

大雨電

無傳

傳三年夏五月叔弓如滕子服椒為介及郊遇懿伯

叔椒

父之忌敬子

叔弓

不入

叔弓禮椒為之辟仇

惠伯曰公事有公利無

私忌椒請先入乃先受館敬子從之秋八月大雩旱也

經四年春王正月大雨電九月取鄆冬十有二月乙卯

叔孫豹卒

傳四年春王正月大雨雹季武子問於申豐曰雹可禦

乎對曰聖人在上無雹雖有不為災古者日在北陸而

藏冰

夏十二月日在虛危冰堅而藏

西陸朝覲而出之

夏三月日在昴畢蟄蟲出而用

冰

其藏冰也深山窮谷固陰沍寒於是乎取之其出之

也朝之祿位賓食喪祭於是乎用之其藏之也黑牡秬

黍以享司寒其出之也桃弧棘矢以除其災其出入也

時食肉之祿冰皆與焉大夫命婦喪浴用冰祭寒而藏

之享司獻羔而啓之二月春分公始用之火出而畢賦

寒

獻羔祭韭

火星昏見東方自命夫命婦至於老疾無不受冰山人

謂三月四月中

虞取之縣人遂傳之輿人納之隸人藏之夫冰以風壯

官

因風壯而以風出順春風其藏之也周密其用之也徧

而堅壯

而散用

也

及老則冬無愆陽夏無伏陰春無淒風秋無苦雨雷出

疾

不震無蓄霜雹疾不降民不夭札今藏川池之冰棄

而不用風不越而殺雷不發而震雹之為蓄誰能禦之

七月之卒章藏冰之道也豳風卒章曰二之日鑿冰沖

謂十二月鑿而取之三之

日納于凌陰凌陰冰室也四之日其蚤獻
羔祭韭謂二月春分蚤開冰室以薦宗廟秋九月取郕

言易也初穆子去叔孫氏及庚宗

成十六年辟僑如之難奔齊

遇婦

人使私為食而宿焉問其行告之故哭而送之適齊娶

於國氏生孟丙仲壬夢天壓已弗勝

穆子夢

顧而見人黑

而上僂

肩僂僂

深目而顰喙

口象猪顰音加

號之曰牛助余乃勝

之旦而皆召其徒無之且曰志之及宣伯奔齊饋之

宣伯

僑如穆子之兄

宣伯曰魯以先子之故將存吾宗必召

女召女何如對曰願之久矣魯人召之不告而歸既立

在齊生孟丙仲
壬魯召立為卿

所宿庚宗之婦人獻以雉問其姓

問有子否

姓謂子也

對曰余子長矣能奉雉而從我矣

襄二年豎牛五六歲

召而

見之則所夢也未問其名號之曰牛曰唯皆召其徒使

視之遂使為豎有寵長使為政

家政

公孫明知叔孫於齊

公孫明齊大夫子
明與叔孫相親知

歸未逆國姜

孟仲母

子明取之故怒其

子長而後使逆之

子孟丙仲壬

田於丘薊遂遇疾焉豎牛欲

亂其室而有之強與孟盟不可叔孫為孟鍾曰爾未際

孟未與諸大
夫相接見

饗大夫以落之既具使豎牛請日

饗

入弗

謁出命之日

詐命日

及賓至聞鐘聲牛曰孟有北婦人之

客

北婦人國姜客謂公孫明

怒將往牛止之賓出使拘而殺諸外

殺孟

丙

牛又強與仲盟不可仲與公御萊書觀于公

萊書公御士名仲與

之私遊觀於公宮

公與之環使牛入示之

示叔孫

入不示出命佩之

新注古者子受人之物必示其父見內則

牛謂叔孫見仲而何叔孫曰何為

怪牛言

曰不見既自見矣

言仲已自往見公

公與之環而佩之矣

遂逐之奔齊疾急命名仲牛許而不名杜洩

叔孫氏宰

見告

之飢渴授之戈

牛不食叔孫叔孫怒欲使杜洩殺之

對曰求之而至又何去

馬豎牛曰夫子疾病不欲見人使寘饋于个而退牛弗

進則置虛命徹

寫器令空

十二月癸丑叔孫不食乙卯卒

三日

絕糧

牛立昭子而相之

豹庶子叔孫婼

公使杜洩葬叔孫豎牛賂

叔仲昭子

叔仲帶

與南遺

季氏家臣

使惡杜洩於季孫而去之

憎洩不與已同志

杜洩將以路葬且盡卿禮

王所賜叔孫車

南遺謂季

孫曰叔孫未乘路葬焉用之且冢卿無路介卿以葬不

亦左乎季孫曰然使杜洩舍路不可曰夫子受命於朝

而聘於王

襄二十四年

王思舊勲而賜之路復命而致之君

豹不敢
自乘

君不敢逆王命而復賜之使三官書之吾子為

司徒實書名

謂季孫

夫子為司馬與工正書服

謂叔孫服車服之器

工正所書

孟孫為司空以書勲今死而弗以是棄君命也書

在公府而弗以是廢三官也若命服生弗敢服死又不
以將焉用之乃使以葬季孫謀去中軍豎牛曰夫子

固欲去之

誣叔孫以媚季孫

經五年春王正月舍中軍公如晉夏莒牟夷以牟婁及
防茲來奔秋七月公至自晉戊辰叔弓帥師敗莒師于

蚡泉

蚡扶粉切

傳五年春王正月舍中軍卑公室也毀中軍于施氏成

諸臧氏

季孫不欲親其議

初作中軍三分公室而各有其一季

氏盡征之

無入於公

叔孫氏臣其子弟

以父兄歸公

孟氏取其半

焉

復以子弟之半歸公

及其舍之也四分公室季氏擇二二子各

一皆盡征之而貢于公以書使杜洩告於殯

叔孫之樞

日子

固欲毀中軍既毀之矣故告杜洩曰夫子唯不欲毀也

故盟諸僖閔詛諸五父之衢

襄十一年

受其書而投之帥士

而哭之

痛叔孫見誣

叔仲子謂季孫曰帶受命於子叔孫曰

葬鮮者自西門

不以壽終為鮮西門非魯朝正門

季孫命杜洩

命使從西門

杜洩曰卿喪自朝魯禮也吾子為國政未改禮而又遷

之羣臣懼死不敢自也既葬而行仲至自齊

聞喪而來

季孫

欲立之南遺曰叔孫氏厚則季氏薄彼實家亂子勿與

知不亦可乎南遺使國人助豎牛以攻諸大庫之庭

攻仲

壬也司宮射之中目而死豎牛取東鄙三十邑以與南遺

取叔氏邑昭子即位朝其家衆曰豎牛禍叔孫氏使亂大從

殺適立庶又披其邑將以赦罪罪莫大焉必速殺之豎

牛懼奔齊孟仲之子殺諸塞關之外投其首於寧風

齊地

之棘上仲尼曰叔孫昭子之不勞不可能也

不以立已為功勞

周任有言曰為政者不賞私勞不罰私怨詩云有覺德

行四國順之

初穆子之生也莊叔以周易筮之

穆子父得

臣

遇明夷

䷣

離下坤上明夷

之謙

䷎

艮下坤上謙明夷初九變為謙

以示卜楚

丘曰是將行

出奔

而歸為子祀以讒人入其名曰牛卒以

餒死明夷日也

離為日夷傷也日明傷

日之數十

甲至癸

故有十時

亦當十位自王以下其二為公其三為卿日上其中

中日

盛明故以當王

食日為二

公位

旦日為三

卿位

明夷之謙明而未融

其當旦乎

離在坤下日在地中之象又變為謙故曰明而未融

故曰為子祀日之

謙當鳥故曰明夷于飛

離為日為鳥離變為謙

明而未融故曰垂

其翼

於日為未融於鳥為垂翼

象日之動故曰君子于行當三在旦

故曰三日不食

旦位在三又非食時

離火也艮山也離為火火焚

山山敗

離艮合體故

於人為言

艮為言

敗言為讒故曰有攸往

主人有言言必讒也純離為牛

易離上離下離畜牝牛吉

世亂讒勝

勝將適離故曰其名曰牛謙不足飛不翔垂不峻翼不

廣故曰其為子後乎

不遠翔故知不遠去

吾子亞卿也抑少不終

莊叔父子世為亞卿位不足以終盡

公如晉自郊勞至于贈賄無失禮晉

侯謂女叔齊曰魯侯不亦善於禮乎對曰魯侯焉知禮

公曰何為自郊勞至于贈賄禮無違者何故不知對曰

是儀也不可謂禮禮所以守其國行其政令無失其民

者也今政令在家

在大夫

不能取也有子家羈弗能用也

懿伯奸大國之盟陵虐小國

伐莒取鄆

利人之難

往年莒亂取鄆

不知

其私公室四分民食於他

新注古者君養民今民食于他言為三家所有也杜謂魯

君與民無異未允

思莫在公不圖其終為國君難將及身不恤

其所禮之本末將於此乎在而屑屑焉習儀以亟言善

於禮不亦遠乎君子謂叔侯於是乎知禮 夏莒牟夷

以牟婁及防茲來奔牟夷非鄉而書尊地也莒人愬于

晉

愬魯受牟夷

晉侯欲止公范獻子曰不可人朝而執之誘

也討不以師而誘以成之惰也為盟主而犯此二者無

乃不可乎請歸之間

暇也音閑

而以師討焉乃歸公秋七月

公至自晉莒人來討戊辰叔弓敗諸蚡泉

經六年夏季孫宿如晉秋九月大雩冬叔弓如楚

傳六年夏季孫宿如晉拜莒田也晉侯享之有加籩武

子退使行人告曰小國之事大國也苟免於討不敢求

貺得貺不過三獻今豆有加下臣弗堪無乃戾也韓宣

子曰寡君以為驩也對曰寡君猶未敢況下臣君之隸

也敢聞加貺固請徹加而後卒事晉人以為知禮重其

好貨 秋九月大雩旱也 冬叔弓如楚聘

經七年春王正月暨齊平三月公如楚叔孫婼如齊泣

盟無傳夏四月甲辰朔日有食之秋九月公至自楚冬十

有一月癸未季孫宿卒

傳七年春王正月暨齊平齊求之也

劉敞權衡曰左氏曰齊求之也杜云齊伐燕

伐燕在去

年燕人賂之反從求平也予謂杜氏之說與傳意

錯傳所云齊求之者以指齊求與魯為平也其下

乃云癸巳齊侯次于號燕人行成若謂齊已暨燕

平則齊侯無緣更進次于號而燕乃行成也且齊侯伐燕燕人賂之則傳當云燕求之經當書暨燕平不當反云齊求之暨齊平也復以事推之自昭公即位以來未嘗與齊通好此年三月叔孫姑如齊蒞盟此則魯與齊平之驗矣亦猶定十一年冬及鄭平叔還如鄭蒞盟云其文也其理也其事也三襲焉章灼不疑

楚子成章華之臺願與諸侯落之遂啓彊來召公公將

往夢襄公祖

祖祭道神

梓慎曰君不果行襄公之適楚也夢

周公祖而行今襄公實祖君其不行子服惠伯曰行先

君未嘗適楚故周公祖以道之襄公適楚矣而祖以道

君不行何之三月公如楚鄭伯勞于師之梁孟僖子為

介不能相儀及楚不能答郊勞

詳見楚

夏四月甲辰朔日有

食之晉士文伯曰魯衛惡之其大咎其衛君乎魯將上

卿

詳見晉

晉人來治杞田

前叔侯不盡歸今公適楚晉人恨故復來

季孫將以

成與之

孟氏邑本杞田

謝息為孟孫守不可曰人有言曰雖有

挈餅之知守不假器禮也

喻小知為人守器猶知不借人

夫子從君而

守臣喪邑

僖子從公如楚

雖吾子亦有猜焉

季孫亦將疑我不忠

季孫曰

君之在楚於晉罪也又不聽晉魯罪重矣晉師必至吾

無以待之不如與之間晉而取諸杞吾與子桃成反誰

敢有之是得二成也魯無憂而孟孫益邑子何病焉辭

以無山與之萊柞乃遷于桃

謝息遷地

晉人為杞取成秋

九月公至自楚孟僖子病不能相禮

不能相儀答郊勞以此為己病

乃

講學之苟能禮者從之及其將死也

二十四年卒傳終言

召其大夫

曰禮人之幹也無禮無以立吾聞將有達者曰孔丘

子傳

卒時孔子年三十五

聖人

商湯

之後也而滅於宋

孔子六代祖孔父嘉為宋督所殺其

子奔魯

其祖弗父何以有宋而授厲公

孔父嘉高祖適嗣當立以讓厲公

及正考父

何曾孫

佐戴武宣

宋君

三命茲益共

三命上卿

故其鼎

銘云

考父廟鼎

一命而僂再命而偃三命而俯循牆而走亦

莫余敢侮饁於是粥於是以餉余口其共也如是臧孫

紇有言曰聖人有明德者若不當世其後必有達人今

其將在孔丘乎我若獲沒必屬說

敬叔

與何忌

懿子

於夫子

使事之

皆僖子子

而學禮焉以定其位故孟懿子與南宮敬

叔師事仲尼仲尼曰能補過者君子也詩曰君子是則

是傲孟僖子可則傲已矣冬十一月季武子卒

經八年夏叔弓如晉秋蒐于紅大雩

無傳

傳八年秋大蒐于紅自根牟至于高衛革車千乘

經九年春叔弓會楚子于陳

傳見陳

秋仲孫矍如齊冬築

郎園

傳九年秋孟僖子如齊殷聘禮也

自叔老聘齊至今二十年禮意久曠今脩

盛聘以無忘舊好故曰禮冬築郎圃書時也季平子欲其速成也叔

孫昭子曰詩曰經始勿亟庶民子來焉用速成其以勸民也無圃猶可無民其可乎

經十年春王正月秋七月季孫意如叔弓仲孫矍帥師

伐莒九月叔孫婁如晉

傳見晉

傳十年秋七月平子伐莒取郕獻俘始用人於亳社

人以

祭商社臧武仲在齊聞之曰周公其不饗魯祭乎周公饗

義魯無義詩曰德音孔昭視民不佻

佻也

佻之謂甚矣而

壹用之將誰福哉

經十有一年春王二月叔弓如宋夏五月甲申夫人歸
氏薨大蒐于比蒲仲孫矍會邾子盟于祲祥秋季孫意
如會晉韓起齊國弱宋華亥衛北宮佗鄭罕虎曹人杞
人于厥慙

傳見晉

九月己亥葬我小君齊歸

傳十一年夏五月齊歸薨

昭公母

大蒐于比蒲非禮也孟

僖子會邾莊公盟于祲祥脩好禮也泉丘人有女夢以

其帷幕孟氏之廟遂奔僖子其僚從之

邾女為僚友者隨其奔

盟

于清丘之社曰有子無相棄也

二女自盟

僖子使助蘧氏之

筵

筵副也蘧氏女為僖子副妾別居在外故僖子納泉丘人女令副助之

反自祲祥宿於

蘧氏生懿子及南宮敬叔於泉丘人其僚無子使字敬

叔

雙生

秋九月葬齊歸

昭公母

公不感晉士之送葬者歸以

語史趙史趙曰必為魯郊

言昭公必出在郊野不能有國

侍者曰何故

曰歸姓也不思親祖不歸也叔向曰魯公室其卑乎君

有大喪國不廢蒐

大蒐比蒲

有三年之喪而無一日之感國

不恤喪不忌君也君無感容不顧親也國不忌君君不

顧親能無卑乎殆其失國

經十有二年夏宋公使華定來聘

傳見宋

公如晉至河乃

復冬十月公子慙出奔齊

傳十二年夏公如晉至河乃復取鄭之役

十年

莒人愬于

晉晉有平公之喪未之治也故辭公公子慙遂如晉

冬十月季平子立而不禮于南蒯

南蒯子季氏費邑宰

南蒯謂子

仲公子慙

吾出季氏而歸其室於公子更其位我以費為

公臣子仲許之南蒯語叔仲穆子且告之故

叔仲帶子叔仲小

季悼子之卒也叔孫昭子以再命為卿

悼子季武子子平子父及

平子伐莒克之更受三命

十年平子伐莒以功加三命昭子不伐莒亦以例加三命

叔仲子欲構二家謂平子曰三命踰父兄非禮也

言昭子受

三命自踰其先人

平子曰然故使昭子

使昭子自貶黜

昭子曰叔孫氏

有家禍殺適立庶故姑也及此

禍在四年

若因禍以斃之則

聞命矣若不廢君命則固有著矣

位次

昭子朝而命吏曰

姑將與季氏訟書辭無頗

普河切

季孫懼而歸罪於叔仲

子故叔仲小南蒯公子慙謀季氏慙告公而遂從公如

晉南蒯懼不克以費叛如齊子仲還及衛聞亂逃介而

先

副使

及河聞費叛遂奔齊南蒯之將叛也其鄉人或知

之遇之而歎

過蒯而歎

且言曰恤恤乎湫乎攸乎深思而淺

謀邇身而遠志家臣而君圖有人矣哉南蒯枚筮之

不指

其事況卜吉凶

遇坤

坤下坤上坤

之比

坤下坎上比坤六五爻變比

曰黃裳

元吉

坤六五爻辭

以為大吉也示子服惠伯曰即欲有事何

如惠伯曰吾嘗學此矣忠信之事則可不然必敗外彊

內溫忠也和以率貞信也

水和而土安正

故曰黃裳元吉黃中

之色也裳下之飾也元善之長也中不忠不得其色下

不共不得其飾事不善不得其極外內倡和為忠率事

以信為共供養三德為善

正直剛克柔克新注剛則仰之柔則進之以志意供給長

養使合於中道

非此三者弗當且夫易不可以占險將何事也

且可飾乎中美能黃上美為元下美為裳參成可筮猶

有闕也筮雖吉未也

新注左氏書卜筮事多子服惠伯之論最正

將適費飲

鄉人酒

蒯自其家還適費

鄉人或歌之曰我有圃生之杞乎

蒯言

在費欲亂如杞生於圃非宜也

從我者子乎去我者鄙乎倍其鄰者恥

乎已乎已乎非吾黨之士乎平子欲使昭子逐叔仲小

欲以自解說

小聞之不敢朝昭子命吏謂小待政於朝曰吾

不為怨府

言不為季氏逐小生怨

經十有三年春叔弓帥師圍費秋公會劉子晉侯齊侯

宋公衛侯鄭伯曹伯莒子邾子滕子薛伯杞伯小邾子

于平丘八月甲戌同盟于平丘公不與盟晉人執季孫

意如以歸公至自會

無傳

冬十月公如晉至河乃復

傳十三年春叔弓圍費弗克敗焉平子怒令見費人執

之以為囚俘治區夫曰非也若見費人寒者衣之飢者食之為之令主而共其乏困費來如歸南氏亡矣民將叛之誰與居邑若憚之以威懼之以怒民疾而叛為之聚也若諸侯皆然費人無歸不親南氏將焉入矣平子從之費人叛南氏

費叛南氏在明年

秋七月晉合諸侯于平丘

八月辛未治兵邾人莒人愬于晉曰魯朝夕伐我幾亡

矣

自昭公即位邾魯同好無故怨愬晉人信之

我之不共魯故之以晉侯不

見公使叔向辭曰若奉晉之衆用諸侯之師因邾莒杞

鄆之怒以討魯罪間其二憂

因南蒯子仲二憂為間隙

何求而弗克

魯人懼聽命甲戌盟公不與盟晉人執季孫意如以歸
冬十月公如晉晉使士景伯辭公于河季孫猶在晉子
服惠伯私于中行穆子曰魯事晉何以不如夷之小國
若為夷棄之使事齊楚其何瘳於晉穆子告韓宣子乃

歸季孫

詳見晉

經十有四年春意如至自晉

傳十四年春意如至自晉尊晉罪已也尊晉罪已禮也

南蒯之將叛也盟費人司徒老祁慮癸南蒯家臣偽廢疾

使請於南蒯曰臣願受盟而疾興若以君靈不死請待

間而盟許之二子因民之欲叛也請朝衆而盟

欲因合衆以為

亂遂劫南蒯曰羣臣不忘其君君謂季氏畏子以及今三年

聽命矣子若弗圖費人不忍其君將不能畏子矣子何

所不逞欲請送子

送使出奔

請期五日遂奔齊侍飲酒于景

公公曰叛夫

戲之

對曰臣欲張公室也子韓皙曰家臣而

欲張公室罪莫大焉司徒老祁慮癸來歸費

歸會

齊侯使

鮑文子致之

經十有五年春王正月二月癸酉有事于武宮籥入叔

弓卒去樂卒事夏六月丁巳朔日有食之

無傳

冬公如晉

傳十五年春將禘于武公戒百官梓慎曰禘之日其有

咎乎吾見赤黑之祲非祭祥也喪氣也其在涖事乎二

月癸酉禘叔弓涖事籥入而卒去樂卒事禮也冬公

如晉平丘之會故也

經十有六年夏公至自晉秋九月大雩季孫意如如晉

傳十六年春王正月公在晉晉人止公不書諱之也夏公至自晉秋九月大雩旱也

經十有七年春小邾子來朝夏六月甲戌朔日有食之秋郟子來朝冬有星孛于大辰

傳十七年夏六月甲戌朔日有食之祝史請所用幣

禮正

陽之月日食當用幣於社

昭子曰日有食之天子不舉伐鼓於社

責羣

陰諸侯用幣於社伐鼓於朝禮也平子禦之

禦禁

曰止也

唯正月朔慝未作日有食之於是乎有伐鼓用幣禮也

其餘則否大史曰在此月也

正月為建巳正陽之月也於周為六月於夏為四月

平子以為六月非正月

日過分而未至

過春分未夏至

三辰有災於是乎

百官降物

素服

君不舉辟移時

辟正寢過日食時

樂奏鼓祝用幣

史用辭故夏書曰辰不集于房瞽奏鼓嗇夫馳庶人走

此月朔之謂也當夏四月是謂孟夏平子弗從昭子退

曰夫子將有異志不君君矣冬有星孛于大辰西及漢

經十有八年

經十有九年夏五月己卯地震

經二十年春王正月

經二十有一年夏晉侯使士鞅來聘秋七月壬午朔日有食之八月乙亥叔輒卒冬公如晉至河乃復

傳二十一年夏晉士鞅來聘叔孫為政季孫欲惡諸晉

憎叔孫在已位上
欲使得罪於晉

使有司以齊鮑國歸費之禮為士鞅

鮑國歸費在十四年
牢禮各如其命數

士鞅怒曰鮑國之位下其國小而

使鞅從其牢禮是卑敝邑也將復諸寡君魯人恐加四

牢焉為十一牢

為哀七年吳
微百牢起

秋七月壬午朔日有食之

公問於梓慎曰是何物也禍福何為對曰二至二分

夏至

冬至春分

日有食之不為災日月之行也分同道也至相

過也

二分日夜等故言同道二至長短極故相過

其他月則為災陽不克也

故常為水

陰侵陽是陽不勝陰

於是叔輒哭日食昭子曰子叔將

死非所哭也八月叔輒卒

劉敞曰梓慎曰二至二分日食不為災非也詩云

十月之交朔日辛卯日有食之亦孔之醜周之十

月夏之仲秋也若不為災曷為醜之

冬公如晉及河晉將伐鮮虞故辭公

經二十有二年春大蒐于昌間夏六月叔鞅如京師

傳見

周

冬十有二月癸酉朔日有食之

無傳

經二十有三年春王正月叔孫婼如晉癸丑叔鞅卒

無傳

晉人執我行人叔孫婼秋八月乙未地震

魯地傳丁酉南宮極震周

地亦震也

冬公如晉至河有疾乃復

傳二十三年春邾人城翼還自離姑

從離姑則道徑魯之武城

武城

人塞其前斷其後之木而弗殊遂取邾師邾人愬于晉

晉人來討叔孫婁如晉晉人執之書曰晉人執我行人

叔孫婁言使人也晉人使與邾大夫坐

坐訟曲直

叔孫曰列

國之卿當小國之君固周制也邾又夷也寡君之命介

子服回在

為叔孫介副

請使當之不敢廢周制故也乃不果

坐韓宣子使邾人聚其衆將以叔孫與之

與邾使執之

叔孫

聞之去衆與兵而朝

欲以身死

士彌牟謂韓宣子曰子弗良

圖而以叔孫與其讎叔孫必死之魯亡叔孫必亡邾邾

君亡國將焉歸

時邾君在晉

子雖悔之何及所謂盟主討違

命也若皆相執焉用盟主乃弗與使各居一館

分別叔孫子服回

士伯聽其辭而愬諸宣子乃皆執之

二子辭不屈故士伯愬而執之士

伯御叔孫從者四人過邾館以如吏

使邾人見叔孫屈辱

先歸邾

子士伯曰以芻蕘之難從者之病將館子於都

別都箕也

叔

孫旦而立期焉乃館諸箕舍子服昭伯於他邑范獻子

求貨於叔孫使請冠焉

以冠為辭

取其冠法而與之兩冠曰

盡矣

偽若不解其意

為叔孫故申豐以貨如晉

欲行貨免叔孫

叔孫曰

見我吾告女所行貨見而不出

留申豐不使得出

吏人之與叔

孫居於箕者請其吠狗弗與及將歸殺而與之食之

示不

愛

叔孫所館者雖一日必葺其牆屋去之如始至冬十

月公為叔孫故如晉及河有疾而復

經二十有四年春王二月丙戌仲孫矍卒

無傳

姑至自晉

夏五月乙未朔日有食之秋八月大雩

傳二十四年春王二月晉士彌牟逆叔孫于箕

將禮而歸之

叔孫使梁其蹯待于門內曰余左顧而歎乃殺之

疑士伯來

已殺右顧而笑乃止叔孫見士伯士伯曰寡君以為盟主

之故是以久子

子久執

不腆敝邑之禮將致諸從者使彌

牟逆吾子叔孫受禮而歸二月姞至自晉尊晉也

晁補之論曰晉以邾人之愬執叔孫姞館諸箕自以不敢廢周制不肯與邾大夫坐禮也恥以貨免而為不解獻子之求貨與其兩冠外弗與吏人之請犬殺而與食至於申豐以貨如晉將欲免已尚以計留豐見而不出觀其意蓋義重於死如此其所館也一日必葺去之日如始至處死者素定暇豫

又如此及士彌牟將逆已而歸而已不知謂將殺已陰戒其蹊幾害彌牟異哉夫能忍無罪以死而不忍以計自全謂義矣至疑彌牟來害已而欲戕之義安在哉始則不畏死終則欲拒命以不死終始相逆不可知也已

夏五月乙未朔日有食之梓慎曰將水昭子曰旱也日過分而陽猶不克克必甚能無旱乎陽不克莫將積聚也秋八月大雩旱也

經二十有五年春叔孫婼如宋

傳見宋

夏叔詣會晉趙鞅

宋樂大心衛北宮喜鄭游吉曹人邾人滕人薛人小邾

人于黃父

傳見晉

有鸛鵒來巢秋七月上辛大雩季辛又

雩九月己亥公孫于齊次于陽州齊侯唁公于野井

冬十月戊辰叔孫婼卒十有二月齊侯取鄆

傳二十五年季公若之姊為小邾夫人生宋元夫人

子平

姊生子以妻季平子昭子如宋聘且逆之

平子人臣而因鄉逆季氏

強公若從謂曹氏勿與魯將逐之

曹氏宋元夫人

曹氏告公公

告樂祁樂祁曰與之如是魯君必出政在季氏三世矣

文子武子平子

魯君喪政四公矣

宣成襄昭

無民而能逞其志者未

之有也國君是以鎮撫其民詩曰人之云亡心之憂矣

魯君失民矣焉得逞其志靖以待命猶可動必憂夏

有鸛鵒來巢書所無也師已曰異哉吾聞文武之世童

謠有之曰鸛之鵒之公出辱之鸛鵒之羽公在外野往

饋之馬鸛鵒跣跣

張于切

公在乾侯徵褰與襦鸛鵒之巢

遠哉遙遙稠父喪勞宋父以驕

稠父昭公死外故喪勞

宋父定公代立故以驕

鸛鵒鸛鵒往歌來哭

昭公生出歌死還哭

童謠有是今鸛鵒來巢

其將及乎

秋書再雩旱甚也初季公鳥

公亥兄平子庶叔父

娶

妻於齊鮑文子生申公鳥死季公亥與公思展與公鳥

之臣申夜姑相其室及季姒

公鳥妻鮑文子女

與饕人檀通而

懼乃使其妾扶已以示秦遄之妻

公鳥姊

曰公若

公亥欲使

余余不可而扶余又訴於公甫

平子弟

曰展與夜姑將要

余

要劫我以非禮

秦姬以告公之

平子弟

公之與公甫告平子平

子拘展於卞而執夜姑將殺之公若泣而哀之曰殺是

是殺余也將為之請平子使豎勿內日中不得請有司

逆命公之使速殺之故公若怨平子季平昭伯之雞鬪

季氏介其雞擣芥子邠氏為之金距平子怒益宮於邠

氏侵邠氏室且讓之故邠昭伯亦怨平子臧昭伯為之

從弟會為讒於臧氏而逃於季氏臧氏執旃也平子怒

拘臧氏老將禘於襄公萬者二人其衆萬於季氏萬舞也禮

公當三十六人臧孫曰此之謂不能庸先君之廟不能大夫遂

怨平子公若獻弓於公為昭公子且與之出射於外而

務人

謀去季氏公為告公果公賁

公為弟

公果公賁使侍人僚

相告公公寢將以戈擊之乃走公曰執之亦無命也

獨言

執之無勅命

懼而不出數月不見公不怒又使言公執戈以

懼之乃走又使言公曰非小人之所及也

謂僚相為小人

公果

自言公以告臧孫臧孫以難

言難逐

告邠孫邠孫以可勸

告子家懿伯

羈莊公玄孫

懿伯曰讒人以君徼幸事若不克

君受其名

受惡名

不可為也舍民數世以求克事不可必

也且政在焉其難圖也公退之辭曰臣與聞命矣言若

洩臣不獲死乃館於公

恐受洩命之罪故留公宮以自明

叔孫昭子如

闕公居於長府九月戊戌伐季氏殺公之于門遂入之

平子登臺而請曰君不察臣之罪使有司討臣以干戈

臣請待於沂上以察罪弗許請囚於費弗許請以五乘

亡弗許子家子曰君其許之政自之出久矣隱民多取

食焉為之徒者衆矣曰入惡作

日冥姦人將起叛君

弗可知也衆

怒不可蓄也蓄而弗治將蘊蘊蓄民將生心生心同求

將合

與季氏同求叛君者

君必悔之弗聽邠孫曰必殺之公使邠

孫逆孟懿子

仲孫何忌

叔孫氏之司馬馮戾言於其衆曰若

之何莫對

衆疑所助

又曰我家臣也不敢知國凡有季氏與

無於我孰利皆曰無季氏是無叔孫氏也馮戾曰然則

救諸帥徒以往陷西北隅以入

陷公圖

公徒釋甲執冰而

踞

言無戰心冰箭簡蓋

遂逐之

逐公徒

孟氏使登西北隅以望季氏

見叔孫氏之旗以告孟氏執郈昭伯殺之于南門之西

遂伐公徒子家子曰諸臣僞劫君者而負罪以出君止

使若非君本意者君自可止不出

意如

平子名

之事君也不敢不改公曰

余不忍也與臧孫如墓謀遂行己亥公孫于齊次于陽
州齊侯將唁公于平陰公先至于野井齊侯曰寡人之
罪也使有司待于平陰為近故也以魯侯過恭書曰公
孫于齊次于陽州齊侯唁公于野井禮也將求于人則
先下之禮之善物也

趙匡辨疑曰禮讓者君子之常豈謂其求然後行
之乎左氏言不可以訓故略之

齊侯曰自莒疆以西請致千社

二十五家為社二萬
五千家欲以給公以

待君命

待伐季氏之命

寡人將帥敝賦以從執事唯命是聽君

之憂寡人之憂也公喜子家子曰天祿不再天若胙君

不過周公以魯足矣失魯而以千社為臣誰與之立

為齊

臣

且齊君無信不如早之晉弗從臧昭伯率從者將盟載

書曰戮力壹心好惡同之信罪之有無繿

音遣繿起阮切

從

公無通外內以公命示子家子子家子曰如此吾不可

以盟羈也不佞不能與二三子同心而以為皆有罪

從者

陷君留者逐君皆有罪也

或欲通外內且欲去君二三子好亡而惡

定焉可同也陷君于難罪孰大焉通外內而去君君將
速入弗通何為而何守焉乃不與盟昭子自闕歸見平
子平子稽顙曰子若我何昭子曰人誰不死子以逐君
成名子孫不忘不亦傷乎將若子何平子曰苟使意如
得改事君所謂生死而肉骨也昭子從公于齊與公言
子家子命適公館者執之恐從公者知叔孫謀公與昭子言於幄
內曰將安衆而納公昭子請歸安衆公徒將殺昭子伏諸道左
師展告公公使昭子自鑄歸辟伏兵平子有異志不欲復納公

冬十月辛酉昭子齊

音齋

於其寢使祝宗祈死戊辰卒

恥為

平子所欺

左師展將以公乘馬而歸公徒執之

展魯大夫欲與公俱輕歸

十一月宋元公將為公故如晉

謀納公

卒于曲棘十二月

庚辰齊侯圍鄆

欲取居公

初臧昭伯如晉臧會竊其寶龜僂

句

龜所出地名

以卜為信與僭

不信

僭吉臧氏老將如晉問

昭問

伯起居

會請往

代家老行

昭伯問家故盡對及內子

昭伯妻

與母

弟叔孫則不對

若有他故

再三問不對歸及郊會逆問又如

初至次于外而察之皆無之執而戮之逸奔邠邠魴假

使為賈正焉計於季氏

送計簿於季氏

臧氏使五人以戈楯伏

諸桐汝之間會出逐之反奔執諸季氏中門之外平子

怒曰何故以兵入吾門拘臧氏老季臧有惡及昭伯從

公平子立臧會

立為臧氏後

會曰儻句不余欺也

經二十有六年春王正月三月公至自齊至于鄆夏公

圍成秋公會齊侯莒子邾子杞伯盟于鄆陵公至自會

居于鄆

無傳

傳二十六年春王正月庚申齊侯取鄆三月公至自齊

處于鄆言魯地也 夏齊侯將納公命無受魯貨申豐從

女賈

豐賈季氏家臣

以幣錦二兩縛一如瑱

瑱充耳卷使如充耳易懷藏

適齊

師謂子猶

梁丘據

之人高齎

子猶家臣

能貨子猶為高氏後粟五

千庾

言能為我行貨於子猶當為請使得為高氏後又致粟

高齎以錦示子猶子猶

欲之齎曰魯人買之百兩一布以道之不通先入幣財子

猶受之言於齊侯曰羣臣不盡力于魯君者非不能事君

也然據有異焉宋元公為魯君如晉卒於曲棘叔孫昭子

求納其君無疾而死不知天之棄魯邪抑魯君有罪於鬼

神故及此也君若待于曲棘使羣臣從魯君以卜焉若可
師有濟也君而繼之茲無敵矣若其無成君無辱焉齊侯
從之使公子鉏帥師從公成大夫公孫朝謂平子曰有都
以衛國也請我受師許之

以成邑
禦齊師

請納質弗許曰信女足

矣告於齊師曰孟氏魯之敝室也用成已甚弗能忍也請

息肩于齊

朝詐齊師欲
降使取成

齊師圍成成人伐齊師之飲馬于

淄者曰將以厭衆

以厭衆心不
欲吏知已降

魯成備而後告曰不勝衆

師及齊師戰于炊鼻齊子淵捷從洩聲子

魯大夫

射之中楯

瓦繇胸汰輶七入者三寸聲子射其馬斬鞅殪也改駕人

以為馱戾也而助之人魯人也子車淵捷曰齊人也將擊子車子

車射之殪其御曰又之子車曰衆可懼也而不可怒也子

囊帶齊大夫從野洩叱之聲洩曰軍無私怒報乃私也將亢

子又叱之子囊復叱之亦叱之野洩亦叱也冉豎季氏臣射陳武

子子疆中手失弓而罵武子以告平子曰有君子白哲鬢鬚

眉甚口平子曰必子疆也無乃亢諸對曰謂之君子何敢

亢之林雍羞為顏鳴右下皆魯人羞為右故下車戰苑何忌取其耳不欲

殺雍但其右見獲顏鳴去之

懼而去之

苑子之御曰視下顧

復欲使苑

子擊其足

苑子刺

芳弗切擊也

林雍斷其足鑿

音鑿足行

而乘於他

車以歸顏鳴三入齊師呼曰林雍乘

言魯人皆致力季氏不以私怨相棄

秋盟于鄆陵謀納公也

經二十有七年春公如齊公至自齊居于鄆秋晉士鞅

宋樂祁犁衛北宮喜曹人邾人滕人會于扈冬邾快來

奔公如齊公至自齊居于鄆

無傳

傳二十七年春公如齊至自齊處于鄆言在外也秋會

于扈謀納公也宋衛皆利納公固請之范獻子取貨於

季孫謂司城子梁

宋樂祁

與北宮貞子

衛北宮喜

曰季孫未知

其罪而君伐之請囚請亡於是乎不獲君又弗克而自出也夫豈無備而能出君乎季氏之復天救之也休公徒之怒而啟叔孫氏之心不然豈其伐人而說甲執冰以游叔孫氏懼禍之濫而自同於季氏天之道也魯君守齊三年而無成季氏甚得其民淮夷與之有十年之備有齊楚之援

公雖在齊齊不致力

有天之贊有民之助有堅守

之心有列國之權而弗敢宣也事君如在國

書公行告公至是也

故鞅以為難二子皆圖國者也而欲納魯君鞅之願也

請從二子以圍魯無成死之二子懼皆辭乃辭小國而

以難復

以難納白晉君

孟懿子陽虎

季氏家臣

伐鄆鄆人將戰子家

子曰天命不惛久矣

惛疑

使君亡者必此衆也

言君據鄆衆以與魯

戰必敗亡

天既禍之而自福也不亦難乎猶有鬼神此必敗

也嗚呼為無望也夫其死於此乎公使子家子如晉公

徒敗於且

子余切

知

近鄆地

冬公如齊齊侯請饗之子家子

曰朝夕立於其朝又何饗焉其飲酒也乃飲酒使宰獻

而請安

比公於大夫禮宴大夫使宰為主獻齊侯請自安不在坐

子仲之子曰重為

齊侯夫人曰請使重見

子仲魯公子慙也十二年謀逐季氏不能奔齊

子家子

乃以君出

辟齊夫人

經二十有八年春王三月公如晉次于乾侯

傳二十八年春公如晉將如乾侯

齊侯卑公故適晉

子家子曰

有求於人而即其安人孰矜之其造於竟弗聽使請逆於晉晉人曰天禍魯國淹恤在外君亦不使一个辱在

寡人而即安於甥舅其亦使逆君

言自使齊逆君

使公復於

竟而後逆之

劉敞曰晉人曰君淹恤在外亦不使一个辱在寡人非也去年會于扈傳曰謀納公魯不告于晉晉何故納之其謀納公也是魯既告晉矣晉且為公謀納豈得誣其不告哉

經二十有九年春公至自乾侯居于鄆齊侯使高張來唁公公如晉次于乾侯夏四月庚子叔詣卒冬十月鄆

潰無傳

傳二十九年春公至自乾侯處于鄆齊侯使高張來唁

公稱主君

比公於大夫

子家子曰齊卑君矣君祇辱焉公如

乾侯

平子每歲賈馬

買也音古

具從者之衣屨而歸之于

乾侯公執歸馬者賣之

賣其馬

乃不歸馬衛侯來獻其乘

馬曰啟服

馬名

塹而死公將為之櫝子家子曰從者病矣

請以食之乃以帷裹之

公賜公衍羔裘使獻龍輔

玉名

於齊侯遂入羔裘齊侯喜與之陽穀公行公為之生也

其母偕出

出之產舍

公衍先生公為之母曰相與偕出請相

與偕告

留公衍母使待已共白公

三日公為生其母先以告公為為

兄公私喜於陽穀而思於魯曰務人為此起禍也

公為始與公若

謀逐季氏

且後生而為兄其誣也久矣乃黜之而以公衍為

大子

經三十年春王正月公在乾侯

傳三十年春王正月公在乾侯不先書鄆與乾侯非公

且徵過也

公說曰王正月在乾侯者錄公之所在不與季氏得奉天子之正朔也左氏以為微過非聖人意也劉敞曰向者公雖去國然猶居鄆是以不歲歲書鄆耳今國非其有書公在以繫一國之事豈但明過哉公雖有過猶不若季氏之悖也

經三十有一年春王正月公在乾侯季孫意如會晉荀躒于適歷夏四月晉侯使荀躒唁公于乾侯冬黑肱以濫來奔十有二月辛亥朔日有食之

傳三十一年春王正月公在乾侯言不能外內也

公內不容

於臣子外不容於齊晉

晉侯將以師納公范獻子曰若召季孫而

不來則信不臣矣然後伐之若何晉人召季孫獻子使私焉曰子必來我受其無咎季孫意如會晉荀躒于適歷荀躒曰寡君使躒謂吾子何故出君有君不事周有常刑子其圖之季孫練冠麻衣跣行伏而對曰事君臣之所不得也敢逃刑命君若以臣為有罪請囚于費以待君之察也亦惟君若以先臣之故不絕季氏而賜之

死若弗殺弗亡君之惠也死且不朽若得從君而歸則

固臣之願也敢有異心

君魯侯

夏四月季孫從知伯如乾

侯子家子曰君與之歸一慙之不忍而終身慙乎公曰

諾衆曰在一言矣君必逐之

言晉既憂君君一言使晉晉必逐之

荀躒以

晉侯之命唁公且曰寡君使躒以君命討於意如意如

不敢逃死君其入也公曰君惠顧先君之好施及亡人

將使歸冀除宗祧以事君則不能見夫人已所能見夫

人者有如河

夫人謂季氏

荀躒掩耳而走

怪公所言

曰寡君其罪

之恐敢與知魯國之難

恐獲不納
君之罪

臣請復於寡君退而

謂季孫君怒未怠子姑歸祭

歸攝
君事

子家子曰君以一乘

入于魯師季孫必與君歸公欲從之衆從者脅公不得

歸冬邾黑肱以濫來奔賤而書名重地故也君子曰名

之不可不慎也如是夫所有名而不如其已以地叛

雖賤必書地以名其人終為不義弗可滅已是故君子

動則思禮行則思義不為利回

回正
心也

不為義疚

疚病
也

或

求名而不得或欲蓋而名章懲不義也齊豹為衛司寇

守嗣大夫作而不義其書為盜

二十年豹殺衛侯兄邾欲求不畏彊禦之名邾

庶其

襄二十二年

莒年夷

五年

邾黑肱以土地出求食而已不

求其名賤而必書此二物者所以懲肆而去貪也若艱難其身以險危大人而有名章徹攻難之士將奔走之若竊邑叛君以徼大利而無名貪冒之民將寘力焉是以春秋書齊豹曰盜三叛人名以懲不義數惡無禮其善志也故曰春秋之稱微而顯婉而辨上之人能使昭明善人勸焉淫人懼焉是以君子貴之

經三十有二年春王正月公在乾侯取闕無傳冬仲孫何

忌會晉韓不信齊高張宋仲幾衛世叔申鄭國參曹人

莒人薛人杞人小邾人城成周 十有二月己未公薨

于乾侯

傳三十二年春王正月公在乾侯言不能外內又不能

用其人也其子家羈

劉敞曰言不能外內又不能用其人非也公以三

十年始居乾侯春秋歲歲書之傳亦歲歲為說說

之盡異此明不如春秋本意也設公今歲未死明年正月亦書之復欲以何事為解乎

冬十二月公疾徧賜大夫

從公者

大夫不受賜子家子雙

琥一環一璧輕服受之大夫皆受其賜已未公薨子家子反賜於府人曰吾不敢逆君命也大夫皆反其賜書曰公薨于乾侯言失其所也趙簡子問於史墨曰季氏出其君而民服焉諸侯與之君死于外而莫之或罪也對曰物生有兩有三有五有陪貳故天有三辰地有

五行體有左右各有妃

音配

耦王有公諸侯有卿皆有貳

也天生季氏以貳魯侯為日久矣民之服焉不亦宜乎

魯君世從其失季氏世脩其勤民忘君矣雖死於外其

誰矜之社稷無常奉君臣無常位自古以然故詩曰高

岸為谷深谷為陵三后

虞夏商

之姓於今為庶主所知也

在易卦雷乘乾曰大壯

三乾下震上大壯震在乾上故曰雷乘乾

天之道

也

乾為天子震為諸侯而在乾上

昔成季友桓之季也文姜之愛子也

始震而卜卜人謁之曰生有嘉聞其名曰友為公室輔


及生如卜人之言有文在其手曰友遂以名之既而有

大功於魯

立傳公

受費以為上卿至於文子武子世增其

業不廢舊績魯文公薨而東門遂殺適立庶魯君於是
乎失國政在季氏於此君也四公矣民不知君何以得
國是以為君慎器與名不可以假人



春秋分記卷五十一